

陸象山集

唐宋元諸名公詩集

十七

共二十四

漢書門類			
三	七	五	四
一	四	二	函
二	冊	架	冊

內閣文庫			
三	七	五	四
一	四	二	函
二	冊	架	冊

內閣文庫	
番號	漢 3754
冊數	24 (17)
函號	360 57



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

象山先生全集序

淺草文庫

聖人之學心學也。堯舜禹之相授受曰人心惟危道心惟微惟精惟一
 允執厥中此心學之源也。中也者道心之謂也。道心精一之謂仁所謂
 中也孔孟之學惟務求仁益精一之傳也。而當時之弊固已有外求之
 者故子貢致疑於多學而識而以博施濟眾為仁夫子告之以一貫而
 教以能近取譬蓋使之求諸其心也。迨於孟氏之時墨氏之言仁至於
 摩頂放踵而告子之徒又有仁內義外之說心學大壞。孟子闢義外之
 說而曰仁人心也學問之道無他求其放心而已矣。又曰仁義禮智非
 繇外鑠我也我固有之弗思耳矣。蓋王道息而霸術行功利之徒外假
 天理之近似以濟其私而以欺於人曰天理固如是不知既無其心矣。

陸象山先生全集序

王守仁序一

而尚何有所謂天理者乎。自是而後析心與理而為二。而精一之學。世儒之支離外索於刑名器數之末。以求明其所謂物理者。而不知吾心即物理。初無假於外也。佛老之空虛遺棄其人倫事物之常。以求明其所謂吾心者。而不知物理即吾心。不可得而遺也。至宋周程二子始復追尋孔孟之宗。而有無極而太極。定之以仁義中正。而主靜之說。動亦定。靜亦定。無內外無將迎之論。庶幾精一之旨矣。自是而後。有象山陸氏。雖其純粹和平。若不逮於二子。而簡易直截。真有以接孟氏之傳。其議論開闔。時有異者。乃其氣質意見之殊。而要其學之必求諸心。則一而已。故吾嘗斷以陸氏之學。孟氏之學也。而世之議者。以其嘗與晦翁之有同異。而遂欲以為禪。夫禪之說。棄人倫遺物理。而要其歸。在不

可以為天下國家。蓋陸氏之學。而果若是也。乃所以為禪也。今禪之說。與陸氏之說。孟氏之說。其書具存。學者苟取而觀之。其是非同異。當有不待於辯說者。而顧一倡羣和。勦說雷同。如矮人之觀場。莫知悲笑之所自。豈非貴耳賤目。不得以言。而勿求諸心者之過歟。夫是非同異。每起於人持勝心。便舊習。而是已見。故勝心舊習之為患。賢者不免焉。撫守李茂元將重刻象山文集。而請予一言為之序。予何所容言哉。惟讀先生之文者。務求諸心。而無以舊習已見先焉。則糠粃精鑿之美惡。入口而知之矣。

正德辛巳七月朔陽明山人王守仁書

陸象山文集選目次

葛 嘉靖調甫
吳郡 葛 鼎端調甫

評次

弟葛 鼎竑調甫同評

集序

王守仁一首

書牘

與邵升誼

與魯宅之

與胡季隨二

與趙監

與李省幹

與朱元晦

與朱元晦二

與劉溪甫

與張輔之

見李德遠

得解見提舉

得解見權郡

得解見通判

與辛幼安

與傅全美二

與包詳道

與邵中孚

與包顯道四

與趙推

與蘇宰三

與楊守三

與李成之

與劉伯協二

與黃循中

奏劄

刪定官輪對劄子

記

敬齋記

荆國王文公祠堂記

本齋記

序

送宜黃何尉序

說

雜說一

雜說二

雜說三

講義

白鹿洞書院講義

策問

策問一

策問三

程文

庸言之信庸行之謹閑邪存其誠善世而不伐德博而化
使民宜之
解試

首出庶物萬國咸寧

論

孝文大功數十論

天地之性人為賢論

智者術之原論

房杜謀斷如何論

劉晏知恥予論

政之寬猛孰先論

常勝之道曰柔論

策對

問制科 解試

問賑濟 解試

問德仁功利

問料敵

問漢文武之治

又自試策對一首附

書解

好學近乎知

毋友不如己者

君子喻於義

里仁為美

保民而王

學問求放心

養心莫善於寡欲

取二三策而已矣

雜著

續書何始於漢

語錄

語錄一則 論荆公

〇〇〇與邵叔誼 心學

陸九淵

前日竊聞嘗以夫子所論齊景公伯夷叔齊之說斷命以祛俗惑至今
 嘆服不能弭忘矣談之間度越如此輔之切磋何可當也充其所見推
 其所為勿怠勿畫益著益察日躋於純一之地是所望於君子夷齊未
 足言也此天之所以予我者非繇外鑠我也思則得之得此者也先立
 乎其大者立此者也積善者積此者也集義者集此者也知德者知此
 者也進德者進此者也同此之謂同德異此之謂異端心逸日休心勞
 日拙德偽之辨也豈惟辨諸其身人之賢否書之正偽舉將不逃於此
 矣自有諸已至於大而化之其寬裕溫柔足以有容發強剛毅足以有

執齊莊中正。是以有敬。文理密察。是以有別。增加馴積。水漸木升。固月異而歲不同。然繇萌蘖之生。而至於枝葉扶疎。繇源泉混混。而至於放乎四海。豈二物哉。中庸曰。誠者物之終始。不誠無物。又曰。其為物不貳。此之謂也。學問固無窮。已聖賢之學所以必以立志為端然端緒得失。則當早辨。是非向背。可以立決。顏子之好學。夫子實亟稱之。而未見其止。蓋惜之於既止。其後曾子亦無疑於夫子之道。然且謂為魯。在柴愚師辟之間。素所蓄積。又安敢望顏子哉。魯之於顏。顏之於夫子。固自有次第。然而江漢以濯之。秋陽以暴之。雖夫子不能逃於魯子矣。豈惟魯子哉。君子之道。夫婦之愚。不肖可以與知能行。唐周之時。康衢擊壤之民。中林施罝之夫。亦帝堯文王所不能逃也。故孟子曰。人皆可以為堯舜。病其自暴自棄。則為之發也。

端曰。人之有是而自謂不能者。自賊者也。謂其君不能者。賊其君者也。夫子曰。一日克己復禮。天下歸仁焉。此復之初也。鈞是人也。已私安有不可克者。願不能自知其非。則不知自克耳。王澤之竭。利欲日熾。先覺不作。民心橫奔。浮文異端。轉相熒惑。注聖話言。徒為藩飾。而為機變之巧者。又復魍魎虺蜴。其間恥非其恥。而恥心亡矣。今謂之學問。惡辯而於此不能深切著明。依憑空言。傳著意見。增疣益贅。助勝崇私。重其矜忿。長其負恃。蒙蔽至理。扞格至言。自以為是。沒世不復。此其為罪。浮於自暴自棄之人矣。此人之過。其初甚小。其後乃大人之救之。其初則易。其後則難。亦其勢然也。物有本末。事有終始。知所先後。則近道矣。於其端嗜知之不至。悉精畢力。求多於末。溝澮皆盈。涸可立待。要之其終本。

未俱失。夫子曰：知之為知之，不知為不知，是知也。後世恥一物之不知者，亦恥非其恥矣。人情物理之變，何可勝窮。若其標末，雖古聖人不能盡知也。繆之不能審於八音，夔之不能詳於五種，可以理揆。夫子之聖，自以少賤而多能，然稼不如老農，圃不如老圃，雖其老於論道，亦曰學而不厭，啟助之益，需於後學。伏羲之時，未有堯之文章，唐虞之時，未有成周之禮樂，非伏羲之智不如堯，而堯舜之智不如周公。古之聖賢，更續緝熙之際，尚可考也。學未知至，自用其私者，乃至於亂原委之論，題萌蘖之序，窮年卒歲，靡所底，驟猶焦焦然思以易天下，豈不謬哉。大學致知格物之義，未必如此，然使學者一其聰明，先立乎大，未始不為知本之論。葛端調

○○○與曾宅之心學

陸九淵

曩蒙訪逮，切磋未究。足下以親庭之命，不能留，臨別有來歲相過之約。日望書劍至止，竟墮渺茫。何耶。某自去年春尾在山間，聞猶子頰之之訃，以歸，內外撫棺視空之役，相尋以卒歲。近者始得復至山房，山間泉石頗多，適值瀑流方壯，噴玉湧雪，處處爭奇。經年之別，不容不遍撫勞之。旁郡朋友，往往輳集，應酬殊不少暇。頗復勞勩，既而霖霖不解，遂以感疾。山間不便醫藥，扶病出山，半山遇盛价，致書，越數日抵家，病又增劇。比日少甦，始得發視，氣力倦憊，又未能作復。稽留盛价，皇恐示諭，與章太博問答其義，甚正。其前述某之說，又自援據反覆，此則是足下病處所述某之言，亦失其實。記錄人言語極難，非心通意解，往往多不得。

與曾宅之一

九

其實前輩多戒門人無妄錄其語言為其不能通解乃自以己意聽之必失其實也相去之遠不得面言不若將平時書問與所作文字講習稽考差有據依若據此為辨則有案庶不至大訛舛也且如存誠持敬二語自不同豈可合說存誠字於古有考持敬字乃後來杜撰易曰閑邪存其誠孟子曰存其心某舊亦嘗以存名齋孟子曰庶民去之君子存之又曰其為人也寡欲雖有不存焉者寡矣其為人也多欲雖有存焉者寡矣只存一字自可使人明得此理此理本天所以與我非繇外鑠明得此理即是主宰真能為主則外物不能移邪說不能惑所病於吾友者正謂此理不明內無所主一向縈絆於浮論虛說終日只依藉外說以為主天之所與我者反為客主客倒置迷而不反惑而不解坦

然明白之理可使婦人童子聽之而喻勤學之士反為之迷惑自為支離之說以自縈纏窮年卒歲靡所底厯豈不重可憐哉使生在治古盛時蒙被先聖王之澤必無此病惟其生於後世學絕道喪異端邪說充塞彌滿遂使有志之士懼此患害乃與世間凡庸恣情縱欲之人均其陷溺此豈非以學術殺天下哉後世言易者以為易道至幽至深學者皆不敢輕言然聖人贊易則曰乾以易知坤以簡能易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之理得矣孟子曰夫道若大路然豈難知哉夫子曰仁遠乎哉我欲仁斯仁至矣又曰一日克己復禮天下歸仁焉又曰未之思也夫何遠之有孟子曰道在邇而求諸遠事在易

而求諸難。又曰堯舜之道。孝弟而已矣。徐行後長者謂之弟。疾行先長者謂之不弟。夫徐行者。豈人所不能哉。不為耳。又曰。人能充無穿窬之心。而仁不可勝用也。人能充無穿窬之心。而義不可勝用也。又曰。人之有是四端。而自謂不能者。自賊者也。謂其君不能者。賊其君者也。又曰。吾身不能居仁繇義。謂之自棄。古聖賢之言。大抵若合符節。蓋心一心也。理一理也。至當歸一。精義無二。此心此理。實不容有二。故夫子曰。吾道一以貫之。孟子曰。夫道一而已矣。又曰。道二。仁與不仁而已矣。如是則為仁。反是則為不仁。仁即此心也。此理也。求則得之。得此理也。先知者。知此理也。先覺者。覺此理也。愛其親者。此理也。敬其兄者。此理也。見孺子將入井。而有怵惕惻隱之心者。此理也。可羞之事。則羞之。可惡

之事。則惡之者。此理也。是其為是。非知其為非。此理也。宜辭而辭。宜遜而遜者。此理也。敬此理也。義亦此理也。內此理也。外亦此理也。故曰。直方大。不習無不利。孟子曰。所不慮而知者。其良知也。所不學而能者。其良能也。此天之所與我者。我固有之。非繇外鑠我也。故曰。萬物皆備於我矣。反身而誠。樂莫大焉。此吾之本心也。所謂安宅正路者。此也。所謂廣居正位大道者。此也。古人自得之。故有其實。言理則是寔理。言事則是寔事。德則寔德。行則寔行。吾與晦翁書。所謂古人質實。不尚智巧。言論未詳。事實先著。知之為知之。不知為不知。所謂先知覺後知。先覺覺後覺者。以其事實。覺其事實。故言即其事。事即其言。所謂言顧行。行顧言。周道日衰。文類日勝。事實湮於意見。典訓蕪於辯說。揣量模寫之

工依做假借之似。其條畫足以自信。其習熟足以自安。以子貢之達。又得夫子而師承之。尚不免此多學而識之之見。非夫子叩之。彼固晏然而無疑。先行之訓。予欲無言之訓。所以覺之者屢矣。而終不悟。夫子既沒。其傳固在曾子。蓋可觀矣。况其不二不似。不足以自信。不足以自安。者乎。雖然。彼其工且似。足以自信。足以自安。則有終身不反之患。有不可救藥之勢。乃若未工未似。未足以自信。未足以自安。則舍其邪而歸於正。猶易為力也。來書蕩而無歸之說。大謬。今是下終日。依靠人言語。又未有定論。如在逆旅。乃所謂無所歸。今使足下復其本心。居安宅。繇正路。立正位。行大道。乃反為無所歸。足下之不知。亦甚矣。今已私未克之人。如在陷窞。如在荆棘。如在泥塗。如在囹圄械繫之中。見先知先覺。

其言廣大高明。與已不類。反疑恐一旦如此。則無所歸。不亦鄙哉。不亦謬哉。不知此乃是廣居正位大道。欲得所歸。何以易此。欲有所主。何以易此。今拘攣舊習。不肯棄捨。乃狃其狹而懼於廣。狃其邪而懼於正。狃其小而懼於大。尚得為智乎。夫子曰。汝為君子儒。無為小人儒。古之所謂小人儒者。亦不過依據末節細行。以自律未至。如今人有如許浮論。虛說。悠悠無根之甚。夫子猶以為門人之戒。又况如今日。謀悠無根。而可安乎。吾友能棄去課習。復其本心。使此一陽為主。於內造次必於是。顛沛必於是。無終食之間。而違於是。此乃所謂有事焉。乃所謂勿忘。乃所謂敬。果能不替不息。乃是積善。乃是集義。乃是善養浩然之氣。真能如此。則不愧古人。其引用經語。乃是聖人先得我心之所同然。則不為

悔聖言矣。今終日營營如無根之木。無源之水。有採摘汲引之勞而盈涸榮枯無常。豈所謂源泉混混不舍晝夜盈科而後進者哉。終日歛弄經語以自傳益。真所謂侮聖言者矣。書言日叢祇敬六德。又言文王之敬。忌。又曰罔不克敬典。詩言敬天之渝。又言敬之敬之。又言聖敬日躋。論語言敬事而信。又言修己以敬。孟子言敬王敬兄。未嘗有言持敬者。觀此二字。可見其不明道矣。吾與足下言者。必因足下之及此而後言。其旨只欲足下知古人事實而不累於無根之說。足下謂得此說而思之。足下以此為說。其不明吾言甚矣。宜其不能記憶。附以己意而失其本真也。又如脫灑二字。亦不正。足下何不言吾之見邪。不如古人之見。正。吾之說虛。不如古人之說實。如此自訟。則有省發之理。若只管從脫灑等處思之。終不能得其正。此理甚明。具在人心。足下不幸受蔽於謬妄之習。今日乃費入許多氣力。此事若不明白。不應安安而居。遲遲而來。病倦不能藥括。文辭使之簡約。信手直書大略。幸三復而損棄其蕪。則當知聖賢之言真不我欺也。

筆鋒其銛。眼明氣決。真所謂不直則道不見者。萬端訓

筆翰其說。非即。原夫。真河。斷不。直。以。直。不。以。皆。其。辭。賦。

相。當。以。其。理。之。言。真。不。亦。其。也。

來。亦。不。精。樂。辨。文。翰。則。之。簡。然。計。毛。直。書。大。辨。筆。三。與。而。蘇。樂。其。並。

安。之。醫。今。日。之。費。入。精。交。靡。也。如。事。益。不。即。白。不。然。其。安。而。或。數。數。正。

然。不。精。其。五。如。其。甚。即。其。其。入。心。多。不。不。幸。也。其。其。其。其。


○○○與胡季隨二 心學

陸九淵

王文公祠記。乃是。斷百餘年。未了。底大。公案。自謂。聖人。復起。不易。吾言。餘子。未嘗。學問。妄肆。指議。此無。足多。怪。同志。之士。猶。或。未能。盡察。此良。可。慨。嘆。足。下。獨。謂。使。荆。公。復。生。亦。將。無。以。自。解。精。識。如。此。吾。道。之。幸。傳。項。黃。三。士。人。品。固。有。不。同。其。為。學。亦。不。相。似。若。望。其。致。知。明。善。雖。子。淵。亦。不。能。無。離。索。之。患。元。吉。今。在。此。雖。稍。若。知。過。要。未。特。達。學。者。之。難。得。所。從。來。久。矣。道。不。遠。人。人。自。遠。之。耳。人。心。不。能。無。蒙。蔽。蒙。蔽。之。未。徹。則。日。以。陷。溺。諸。子。百。家。徃。徃。以。聖。賢。自。期。仁。義。道。德。自。命。然。其。所。以。卒。畔。於。皇。極。而。不。能。自。拔。者。蓋。蒙。蔽。而。不。自。覺。陷。溺。而。不。自。知。耳。顏。子。之。賢。夫。子。所。屢。歎。氣。質。之。美。固。絕。人。甚。遠。子。貢。非。能。知。顏。子。者。然。亦。自。知。非。

儔偶論語所載顏淵喟然之嘆當在問仁之前為邦之問當在問仁之
 後請事斯語之時乃其知之始至善之始明時也以顏子之賢雖其知
 之未至善之未明亦必不至有聲色貨利之累忿恨縱肆之失夫子答
 其問仁乃有克己復禮之說所謂己私者非必如常人所見之過惡而
 後為己私也已之未克雖自命以仁義道德自期以可至聖賢之地者
 皆其私也顏子之所以異乎眾人者為其不安乎此極鑽仰之力而不
 能自己故卒能踐克己復禮之言而知遂以至善遂以明也若子貢之
 明達固居游夏之右見禮知政聞樂知德之識絕凡民遠矣若夫子游
 如彼其久尊信夫子之道如彼其至夫子既沒其傳乃不在子貢願在
 魯子私見之錮人難於自知如此魯子得之以魯子貢失之以達天德
 已見消長之驗莫著於此矣學問之初切磋之次必有自疑之兆及其
 至也必有自克之實此古人物格知至之功也已實未能自克而不以
 自疑方憑之以決是非定可否縱其標末如子貢之屢中適重夫子之
 憂耳况又未能也物則所在非達天德未易輕言也所惡於智者為其
 鑿也如智者若禹之行水也則無惡於智矣禹之行水也行其所無事
 也如智者亦行其所無事則智亦大矣宰我子貢有若智足以知聖人
 三子之智蓋其英爽足以有所精別異乎陳子禽叔孫武仲之流耳若
 責之以大智望之以真知聖人非其任也顏子請事斯語之後真知聖
 人矣魯子雖未及顏子若其真知聖人則與顏子同學未知止則其知
 必不能至知之未至聖賢地位未易輕言也何時合併以究此理

空明之論。繹而思之。正見精實。不見玄遠。葛端調



與趙監 求道

陸九淵

垂諭新工。尤慰勤企。道塞宇宙。非有所隱遁。在天曰陰陽。在地曰柔剛。在人曰仁義。故仁義者人之本心也。孟子曰。存乎人者。豈無仁義之心哉。又曰。我固有之。非繇外鑠我也。愚不肖者不及焉。則蔽於物欲而失其本心。賢者智者過之。則蔽於意見。而失其本心。故易大傳曰。仁者見之謂之仁。智者見之謂之智。百姓日用而不知。故君子之道鮮矣。徇物欲者既馳而不知止。徇意見者又馳而不知止。故道在邇而求之遠。事在易而求之難。道豈遠而事豈難。意見不實。自作艱難耳。溪知其非。則蔽解惑去。而得所止矣。道本自若。豈如以手取物。必有得於外。然後為得哉。鄧丞於此。溪知端緒。幸與進而圖之。

明快為端調

與李省幹 師道

陸九淵

古先聖賢無不繇學伏羲尚矣。猶以天地萬物為師。俯仰遠近觀取備矣。於是始作八卦。夫子生於晚周。麟遊鳳肅出類拔萃。謂天縱之將聖。非溢辭也。然而自謂我非生而知之者。好古敏以求之者也。中庸稱之。亦曰祖述堯舜。憲章文武。堯舜相繼以臨天下。而卑陶矢謨。其間曰朕言惠可底行。武王纘太王王季文王之緒。以有天下。未及下車。訪於箕子。俾陳洪範。高宗曰。台小子。舊學於甘盤。既乃適於荒野。八宅於河。自河徂亳。暨厥終。罔顯爾。唯訓於朕志。若作酒醴。爾為麴蘖。若作和羹。爾為鹽梅。人生而不知學。學而不求師。其可乎哉。秦漢以來。學絕道喪。世不復有師。以至於唐。曰師曰弟子云者。反以為笑。韓退之。柳子厚。猶為

之屢歎。惟本朝理學。遠過漢唐。始復有師道。雖然。學者不求師與求而。不能虛心。不能退聽。此固學者之罪。學者知求師矣。能退聽矣。所以道。之者。乃非其道。此則師之罪也。學於夫子者多矣。顏淵。閔子騫。冉伯牛。仲弓。固無可疵。外此。則有南宮适。宓子賤。漆雕開。近於四子。三人之外。最後出。如高子羔。曾子。雖有愚魯之號。其實皆夫子所喜於二人中。尤屬意於子羔。不幸前夫子而死。不見其所成就。卒之傳夫子之道者。乃在曾子。伯魚死。子思乃夫子適孫。夫子之門人。光耀於當世者甚多。而子思獨師事曾子。則平日夫子為子思擇師者。可知矣。宰我。子貢。有若。其才智最高。子夏。子游。子張。又下一等。然游夏已擅文學之場。而堂堂乎。子張。子游。猶以為難能。其言論足以動人。光華足以耀俗。誠非以愚。魯得號者。所可比擬。至其傳道授業。不診於聖人。宰我。子貢。有若。猶不在此。位况游夏乎。故自魯子傳之子思。子思傳之孟子。乃得其傳者。外此。則不可以言道。居今之時。而尚友方冊。取友當世。亦已難矣。足下求友之意切矣。願不知迂拙之人。果足以副足下所期否乎。鄙文數篇。錄往。幸熟讀而審思之。毋徒徇其名。而不察其實。乃所願望。未相見間。或有未當於足下之意者。願索言之。亦惟其是而已矣。愚見所到。固當傾倒。止不必以世俗相欺也。

昌黎師說以意勝。此文以理勝。理在情中。非先生不能得也。 葛端調

○○○與朱元晦 論無極大極

陸九淵

黃易二生歸奉正月十四日書備承改歲動息慰浣之劇不得嗣問條
 又經時日有脫字深馳邇聞已赴闕奏事何日對敬伏想大攄素蘊為明主忠
 言動悟淵衷以幸天下恨未得即聞緒餘沃此傾渴外間傳聞留中講
 讀未知信否誠得如此豈勝慶幸鄉人彭世昌得一山在信之西境距
 救廬兩舍而近實龍巖山之宗巨陵特起迤然如象名曰象山山間自
 為原塢良田清池無異平野山澗合為瀑流垂注數里兩崖有蟠松怪
 石却略偃蹇中為茂林瓊瑤冰雪傾倒激射飛灑映帶於其間春夏流
 壯勢如奔雷木石自為階梯可公以觀佳處與玉淵外龍未易優劣往
 歲赴子結一廬以相延其亦自為精舍於其側春間携一姪二息讀書

陸九淵集

與朱元晦一

十九

其上。又得勝處為方丈以居。前挹閩山。奇峰萬疊。後帶二溪。下赴彭蠡。學子亦稍稍結茅其傍。相從講習。此理為之日明。舞雩詠歸。千載同樂。其昔年兩得侍教。康廬之集。加款於橋湖。然猶莽鹵淺陋。未能成章。無以相發。甚自愧也。比日少進。甚思一侍函丈。當有啓助。以卒餘教。尚此未能。登高臨流。每用悵惘。往歲覽尊兄與梭山家兄書。嘗因南豐使人。借易致區區。蒙復書許以卒請。不勝幸甚。古之聖賢。惟理是視。堯舜之聖。而詢於芻蕘。曾子之易。簣蓋得於執燭之童子。蒙九二曰。納婦吉。苟當於理。雖婦人。孺子之言。所不棄也。孟子曰。盡信書。不如無書。吾於武成。取二三策而已矣。或乖理致。雖出古書。不敢盡信也。智者千慮。或有一失。愚者千慮。或有一得。人言豈可忽哉。梭山兄謂太極圖說與通書。

不類。疑非周子所為。不然。則或是其學未成時所作。不然。則或是傳他人之文。後人不辨也。蓋通書理性命章。言中焉止矣。二氣五行。化生萬物。五殊二實。二本則一。曰一曰中。即太極也。未嘗於其上。加無極字。動靜章言五行陰陽太極。亦無無極之文。假令太極圖說。是其所傳。或其少時所作。則作通書時。不言無極。蓋已知其說之非矣。此言殆未可忽也。兄謂梭山急迫看人文字。未能盡彼之情。而欲遽申己意。是以輕於立論。徒為多說。而未必果當於理。大學曰。無諸己。而後非諸人。人無古今。智愚賢不肖。皆言也。皆文字也。觀兄與梭山之書。已不能酬斯言矣。尚何以責梭山哉。尊兄與梭山書云。不言無極。則太極同於一物。而不足為萬化根本。不言太極。則無極淪於空寂。而不能為萬化根本。夫

太極者實有是理。聖人從而發明之耳。非以空言立論。使後人無弄於
類舌紙筆之間也。其為萬化根本固自素定。其不足不能。豈以人
言不言之故耶。易大傳曰。易有太極。聖人言有。今乃言無。何也。作大傳
時不言無極。太極何嘗同於一物而不足為萬化根本耶。洪範五皇極
列在九疇之中。不言無極。太極亦何嘗同於一物而不足為萬化根本
耶。太極固自若也。尊兄只管言來言去。轉加糊塗。此真所謂輕於立論
徒為多說。而未必果當於理也。兄號句句而論字。而議有年矣。宜益
工益密。立言精確。足以悟疑辨惑。乃反踈脫如此。宜有以自反矣。後書
又謂無極即是無形。太極即是有理。周先生恐學者錯認太極別為一
物。故着無極二字以明之。易之大傳曰。形而下者謂之道。又曰。一陰一

陽之謂道。一陰一陽已足形而上者。况太極乎。曉文義者舉知之矣。自
有大傳至今。幾年未聞有錯認太極別為一物者。設有愚謬至此。奚而
不能以三隅反。何足上煩老先生。特地於太極上加無極二字。以曉之
乎。且極字亦不可以形字釋之。蓋極者中也。言無極則是猶言無中也。
是奚可哉。若懼學者泥於形器而申釋之。則宜如詩言上天之載。而於
下贊之曰。無聲無臭。真可也。豈宜以無極字加於太極之上。朱子終謂
燕溪得太極圖於穆伯長。伯長之傳出於陳希夷。其必有考希夷之學。老
氏之學也。無極二字出於老子。知其雄章吾聖人之書。所無有也。老子
首章言無名天地之始。有名萬物之母。而卒同之。此老子宗旨也。無極
而太極。即是此旨。老子學之不正。見理不明。所蔽在此。兄於此學用力



陸象山先生集
之深為日之久。曾此之不能辨。何也。通書中焉止矣。之言與此昭然不
類。而兄曾不之察。何也。太極圖說以無極二字冠首。而通書終篇未嘗
一及無極字。二程言論文字至多。亦未嘗一及無極字。假令其初實有
是圖。觀其後來未嘗一及無極字。可見其道之進而不自以為是也。兄
今考訂注釋。表顯尊信。如此其至。恐未得為善祖述者也。潘清逸詩文
可見矣。彼豈能知濂溪者。明道伊川親師承濂溪。當時名賢居潘右者
亦復不少。濂溪之誌。卒屬於潘。可見其子孫之不能世其學也。兄何據
之篤乎。梭山兄之言。恐未宜忽也。孟子與墨者夷之辨。則據其愛無等
差之言。與許行辨。則據其與民並畊之言。與告子辨。則據其義外與人
性無分於善不善之言。未嘗泛為料度之說。兄之論辨。則異於是。如某
今者所論。則皆據尊兄書中要語。不敢增損。或稍用尊兄泛辭。以相鉅
糾者。亦差有證據。抑所謂夫民今而後得反之也。兄書令梭山寬心游
意。反復二家之言。必使於其所說。如出於吾之所為者。而無纖芥之疑。
然後可以發言立論。而斲其可否則其為辨也。不煩而理之所在。無不
得矣。彼方深疑其說之非。則又安能使之如出於其所為者。而無纖芥
之疑哉。若其如出於吾之所為者。而無纖芥之疑。則無不可矣。尚何論
之可立。否之可斲哉。兄之此言。無乃亦少傷於急迫而未精耶。兄又謂
一以急迫之意求之。則於察理已不能精。而於彼之情又不詳盡。則徒
為紛。雖欲不差。不可得矣。殆夫子自道也。向在南康論兄所解告子
不得於言。勿求於心。一章。非是。况令某平心觀之。某嘗答曰。甲與乙辨

方各是其說。甲則曰：願其乙平心也。乙亦曰：願其甲平心也。平心之說，怨難明白。不若據事論理可也。今此急迫之說，寬心游意之說，正相類耳。論事理不必以此等壓之。然後可明也。梭山氣稟寬緩，觀書未嘗草草。必優游諷詠，耐久紬繹。今以急迫指之，雖他人亦未喻也。夫辨是非，別邪正，決疑似，固貴於峻潔明白。若乃料度羅織文致之辭，願兄之也。梭山兄所以不復致辨者，蓋以兄執己之意甚固，而視人之忽求勝不求益也。某則以為不然。尊兄平日憐於朋友，求歲規切磨之益，益亦甚至獨犖犖。人非惟不敢以忠言進於左右，亦未有能為忠言者。言論之橫出，其勢然耳。向來相聚，每以不能副兄所期為愧。此者自謂少進，方將圖合，并而承教。今兄為時所用，進退殊路，合并未

可期也。又蒙許其吐露，輒寓此少見區區。尊意不以為然，幸不憚下教。政遠惟為國保愛，倚需柄用以澤天下。

議論明快，不復支飾。真古人之風。施之今日，則交駮為爭訐矣。嗚呼！友道喪而欲道之明也，豈不難哉。葛端調。

陸九淵

太甚專以滋直之即也豈不難哉

難能則非不難支請真古人之風於今以假交親為幸信矣

可憐也又第信其也爾神靈如此良圖之真意不以無故幸不難

○與朱元晦二再論無極太極

陸九淵

伏自夏中拜書尋聞得對方深贊喜冒疾遽興重為駭嘆賢者進退綽
綽有裕所甚惜者為世道耳承還里第屢欲致書每以冗奪徒積傾軋
江德功人至奉十一月八日書備承作止之詳慰浣良劇比閱邸報竊
知台命不容辭免莫須更一出否吾人進退自有大義豈直避嫌畏譏
而已哉前日面對必不止於職守所及恨不得與聞至言後便儻可垂
教否前書條析所見正以疇苛負兄所期比日少進方圖自贖耳來書
誨之諄復不勝幸甚愚心有所未安義當展盡不容但已亦尊兄教之
之本意也近浙間一後生貽書見規以為吾二人者所習各已成熟終
不能以相為莫若置之勿論以俟天下後世之自擇鄙哉言乎此輩凡

陸象山文集

與朱元晦二

廿四

陋○沉○溺○俗○學○悖○戾○如○此○亦○可○憐○也○人○道○弘○道○半○道○弘○人○此○理○在○宇○宙○間○固○不○以○人○之○明○不○明○行○不○行○而○加○損○然○人○之○為○人○則○抑○有○其○職○矣○垂○象○而○覆○物○者○天○之○職○也○成○形○而○載○物○者○地○之○職○也○裁○成○天○地○之○道○輔○相○天○地○之○宜○以○左○右○民○者○人○君○之○職○也○孟○子○曰○勿○而○學○之○壯○而○能○行○之○所○謂○行○之○者○行○其○所○學○以○格○君○心○之○非○引○其○君○於○當○道○與○其○君○論○道○經○邦○燮○理○陰○陽○使○斯○民○達○乎○天○下○也○所○謂○學○之○者○從○師○親○友○讀○書○考○古○學○問○思○辨○以○明○此○道○也○故○少○而○學○道○壯○而○行○道○者○士○君○子○之○職○也○吾○人○皆○無○常○師○周○旋○於○羣○言○淆○亂○之○中○俯○仰○參○求○雖○自○謂○其○理○已○明○安○知○非○私○見○蔽○說○若○雷○同○相○從○一○唱○百○和○莫○知○其○非○此○所○甚○可○懼○也○何○幸○而○有○相○疑○不○合○在○同○志○之○間○正○宜○各○盡○所○懷○力○相○切○磋○期○歸○於○一○是○之○地○大○舜○之○所

謂之甚

以為大者善與人同樂取諸人以為善聞一善言見一善行若決江河沛然莫之能禦吾人之志當何求哉惟其是已矣疇昔明言善議拳服膺而勿失樂與天下共之者以為是也今一旦以切磋而知其非則棄前日之所習勢當如出陷阱如避荆棘惟新之念若決江河是得所欲而遂其志也此豈小智之私鄙陋之習榮勝取負者所能知哉非明弗措古有明訓敢悉布之尊兄平日論文甚取曾南豐之嚴健南康為別前一夕讀尊兄之文見其得意者必簡健有力每切敬服嘗謂尊兄才力如此故所取亦如此今閱得書但見文辭繳繞氣象褊迫其致辦處類皆遷就牽合甚費分疎終不明白無乃為無極所累反困其才耶不然以尊兄之高明自視其說亦當如白黑之易辨矣尊兄嘗曉陳同

父云。欲賢者百尺竿頭進取一步。將來不作三代以下人物。省得氣力。為漢唐分踈。即更脫灑磊落。今亦欲得尊兄進取一步。莫作孟子以下學術。省得氣力。為無極二字分踈。亦更脫灑磊落。古人質實不尚智巧。此段是先生得力處。故陳之。言論未詳事實。先著知之為知之。不知為不知。所謂先知覺後知。先覺覺後覺者。以其事實。覺其事實。故言即其事。即其言。所謂言顧行。行顧言。周道之衰。文豹日勝。事實湮於意見。典訓蕪於辨說。揣量模寫之工。依放假借之似。其條畫足以自信。其習熟足以自安。以子貢之達。又得夫子而師承之。尚不免此多學而識之。見非夫子叩之。彼固安然。而無疑。先行之訓。予欲無言之訓。所以覺之者。屢矣。而終不悟。顏子既沒。其傳固在。魯子益可觀。已尊兄之才。未知其與子貢如何。今日之病。

則有深於子貢者。尊兄誠能深知此病。則來書七條之說。當不待條析。而自解矣。然相去數百里。脫或未能自克。淹回舊習。則不能無遺恨。讀來條之來書。本是主張無極二字。而以明理為說。其要則曰。於此有以灼然實見太極之真體。其竊謂尊兄未曾實見太極。若實見太極。上向必不更加無極字。下面必不更著真體字。上面加無極字。正是疊床上之床。下面著真體字。正是架屋下之屋。虛見之與實見。其言固自不同也。又謂極者。正以其究竟至極。無名可名。故特請之太極。猶曰舉天下之至極。無以加此云耳。就令如此。又何必更於上面加無極字也。若謂欲言其無方所。無形狀。則前書固言宜如詩言上天之載。而於其下贊之曰。無聲無臭。可也。豈宜以無極字加之太極之上。繫辭言神無方矣。

豈可言無神言易無體矣。豈可言無易。老氏以無為天地之始。以有為萬物之母。以常無觀妙。以常有觀竅。直將無字搭在上。面正是老氏之學。豈可諱也。惟其所蔽在此。故其流為任術數為無忌憚。此理乃宇宙之所固有。豈可言無。若以為無。則君不君。臣不臣。父不父。子不子矣。楊朱未遽無君。而孟子以為無君。墨翟未遽無父。而孟子以為無父。此其所以為知言也。極亦此理也。中亦此理也。五居九疇之中。而曰皇極。豈非以其中而命之乎。民受天地之中以生。而詩言土我。豈非以其中而命之乎。中庸曰中也者。天下之大本也。和也者。天下之達道也。致中和。天地位焉。萬物育焉。此理至矣。外此豈更復有太極哉。以極為中。則為不明理。以極為形。乃為明理。乎。字義固有一字而數義者。

用字則有專一義者。有兼數義者。而字之指歸。又有虛實。虛字則但當指字義。實字則當論所指之實。論其所指之實。則有非字義所能拘者。如元字有始義。有長義。有大義。坤五之元。吉。屯之元。亨。則是虛字。專為大義。不可復以他義參之。如乾元之元。則是實字。論其所指之實。則文言所謂善。所謂仁。皆元也。亦豈可以字義拘之哉。極字亦如此。太極皇極。乃是實字。所指之實。豈容有二。充塞宇宙。無非此理。豈容以字義拘之乎。中即至理。何嘗不兼至義。大學文言。皆言知至。所謂至者。即此理也。語讀易者曰。能知太極。即是知至。語讀洪範者曰。能知皇極。即是知至。夫豈不可。蓋同指此理。則曰極。曰中。曰至。其實一也。一極備凶。一極無凶。此兩極字。乃是虛字。專為至義。却使得極者至極而已。於此用而

已字方用得當。尊兄最號為精通話訓文義者。何為尚惑於此。無乃理
有未明。正以太泥而反失之乎。至如直以陰陽為形器而不得為道。此
尤不敢聞命。易之為道。一陰一陽而已。先後始終。動靜晦明。上下進退。
往來闔闢。盈虛消長。尊卑貴賤。表裏隱顯。向背順逆。存亡得喪。出入行
藏。何遠而非一陰一陽哉。奇耦相尋。變化無窮。故曰其為道也。屢遷變
動不居。周流六虛。上下無常。剝柔相易。不可為典要。惟變所適。說卦曰。
觀變於陰陽而立卦。發揮於剛柔而生爻。和順於道德而理於義。窮理
盡性。以至於命。又曰。昔者聖人之作易也。將以順性命之理。是以立天
之道曰陰與陽。立地之道曰柔與剛。立人之道曰仁與義。下繫亦曰易
之為書也。廣大悉備。有天道焉。有人道焉。有地道焉。兼三才而兩之。故

六六者非他也。三才之道也。今頌以陰陽為非道。而直謂之形器。其孰
為昧於道器之分哉。辯難有互領。言辭有指歸。為辨而失要領。觀言而
迷指歸。皆不明也。前書之辯。其要領在無極二字。尊兄確意主張。曲為
飾說。既以無形釋之。又謂周子恐學者錯認太極別為一物。故著無極
二字以明之。其於此見得尊兄只是強說來繇。恐無是事故。前書舉大
傳一陰一陽之謂道。形而上者謂之道。兩句以見粗識文義者亦知一
陰一陽即是形而上者。必不至錯認太極別為一物。故曰况太極乎。此
其指歸本自明白。而兄曾不之察。乃必見証以道上別有一物為太極。
通書曰中者和也。中節也。天下之達道也。聖人之事也。故聖人主教。俾
人自易其惡。自至其中而止矣。周子之言。如此亦不輕矣。外此豈更

別有道理。乃不得比虛字乎。所舉理性命章五句。但欲見通書言中言一而不言無極耳。中焉止矣。一句不妨自是。斷章兄必見証。以屬之下文。兄之為辯。失其指歸。大率類此。盡信書不如無書。其實深信孟子之言。前書釋此段。亦多援據古書。獨頗不信無極之說耳。兄據坐以直。絀古書為不足信。兄其深文矣哉。大傳洪範。毛詩周禮。與太極圖說。孰古以極為形。而謂不得為中。以一陰一陽為器。而謂不得為道。此無乃少絀古書為不足信。而微任胸臆之所裁乎。來書謂善論無極二字。乃是周子灼見道體。迥出常情。不顧傍人。是非不計。自己得失。勇往直前。說出人不敢說底道理。又謂周子所以謂之無極。正以其無方。所無形狀。誠令如此。不知人言甚不敢道處。但加之太極之上。則吾聖門正不肯

如此道耳。夫軋確然示人易矣。夫坤墮然示人簡矣。太極亦曷嘗隱於人哉。尊兄而下說。無說有不知漏洩得多少。如所謂太極真體。不傳之秘。無物之前。陰陽之外。不屬有無。不落方體。迥出常情。超出方外等語。莫是曾學禪宗。所得如此。平時既私其說。以自妙。及教學者。則又往往秘此而多說文義。此漏洩之說。所從出也。以實論之。兩頭都無着實。彼此只是葛藤。未說氣質不美者。樂寄此以神其姦。不知繫絆多少。好氣質底學者。既以病已。又以病人。殆非一言一行之過。兄其毋以久習於此。而重自反也。區區之忠。竭盡如此。流俗無知。必謂不遜。書曰。有言逆於汝心。必求諸道。諒在高明正。所樂聞。若猶有疑。願不憚下教。政遠惟為國自愛。

筆力明健。英氣逼似孟子。○晦翁復書有戒日斯邁而月斯征各尊
所聞各行所知亦可矣無復望其必同也等語先生又扎云向蒙尊
兄促其條析且有無若令兄遽斷來章之戒深以為幸別經所謂不
謂尊兄遽作此語也君子之過如日月之食雖徹歲藥久當自悟今
尊兄必渙然於此矣願依末光以卒餘教二東文無辨難故不全載
即此以志始末為端調

○與劉深甫學思

陸九淵

來書云以方冊所疑足見為學不苟簡然其理皆甚明白本無可疑若
於此未能通曉則是進學工夫不甚純一未免滯於言語爾今欲一
可見前輩後進質問必先明本原次及辨論
為深父解釋又恐只成言語議論無益於深父之身之心非徒無益未
必不反害之也○大抵為學但當致進德修業使此心於日用間賊
日少○光潤日著則聖賢垂訓向以為盤根錯節未可遽解者將渙然冰
釋○怡然理順有不加思而得之者矣○書曰思曰睿睿作聖孟子曰思則
得之學固不可以不思然思之為道貴切近而優游切近則不失已優
游則不滯物易曰擬之而後言議之而後動孟子曰權然後知輕重度
然後知長短物皆然心為其記曰心誠求之雖不中不遠矣日用之間

何造而非思也。如是而思，安得不切近。安得不優游。至於聖賢格言，切近的當，昭晰明白，初不難曉。而吾之權度，其則不遠。非假於外物，開卷讀書時，整冠肅容，平心定氣，誥訓章句，苟能從容勿迫，而諷詠之，其理當自有彰。者，縱有滯碍，此心未充未明，猶有所滯，而然耳。姑舍之以俟他日可也。不必苦思之。苦思則方寸自亂，自蹶其本，失已滯物，終不明白。但能於其所已通曉者，有鞭策之力，涵養之功，使德日以進，業日以修。而此心日充日明，則今日滯碍者，他日必有冰釋理順時矣。如此則讀書之次，亦何遠而非思也。如是而思，安得不切近。安得不優游。若固滯於言語之間，欲以失已滯物之智，強探而力索之，非吾之所敢知也。某銓曹再黜來歲，又未免一來深爰勉之，謹無以言語議論妨進修。

之路，使此心之良，無斧斤之伐，牛羊之牧，而有雨露之霑，滋雷風之鼓，舞日以暢，茂條達，則來示數章，不求解於他人矣。

讀書要訣 葛端調

○與張輔之教學

陸九淵

來書累及已事辭復而意切讀之甚喜慰苟如是誰不欲相告者况
如其之直而多言者耶今此子壽兄入邑此事政可面論第恐事罷不
復能留至邑又有謁見應接之煩雖相見有不暇及此耳故略寓此言
之蒙諭鍼膏肓之說且師友切磋之言孰不欲各中其病顧恐學未至
識未明不能知人之病耳又恐言或中病而听者不自以為病不能受
耳又子方求吾言但當盡子受言之道不當教我告子之方使我告子
而無其方則其言不足求矣子豈可教之使如何而告子耶必欲教人
告已是何異教玉人雕琢玉哉至引孔子答弟子問仁問政問孝之說
此尤非所宜言孟子於孔子特曰願學而已吾於孔子弟子方且師仰

敬畏之不暇。如顏子、曾子固不待論。平時讀書至子夏子游子張蘧伯玉南宮适諸賢言行未嘗不惕焉。愧畏欽服而師承之。而子遠可以孔子望我耶。且子既能究觀聖人答弟子之言。知其無不盡處。擴而充之。聖人亦只如此。是已。已知教人之方。則吾當北面矣。尚何以鍼子膏肓耶。雖然庸鉅知此言之非鍼子膏肓也。寫至此欲止。恐子未能深悟。試更為詳言之。學者大病在於師心自用。師心自用則不能克己。不能聽言。雖使羲皇唐虞以來羣聖人之言畢聞於耳。畢熟於口。畢記於心。祇益其私。增其病耳。為過益大。去道愈遠。非徒無益而又害之。來書謂備嘗險阻。辛若而無榛心危慮患深之效。此亦非也。子之能特然自立。異於沉俗。趣舍必求。是而施設不苟。人之所為有所不敢。為人所不能。為已或能為之。人之所知有所不敢。知人所不能。知已或能知之。凡此豈非操心危慮患深之效歟。雖然。至於師心自用。學植不進。未必不繇此也。古之所謂曲學詖行者。不必淫邪放僻。頭、狼狽如流俗人不肖子者也。蓋皆放古先聖賢言行。依仁義道德之意。如楊墨鄉原之類是也。此等不遇聖賢知道者。則皆自負其有道有德。人亦以為有道有德。豈不甚可畏哉。曾子曰。尊其所聞。則高明。行其所知。則光大。尊所聞。行所知。要須本正。其本不正。而尊所聞。行所知。只成得箇擔板。自沉溺於曲學詖行。正道之所詆斥。累百世而不赦。豈不甚可畏哉。若與流俗人同過其過。尚小擔板沉溺之過。其過甚大。真所謂膏肓之病也。來書舉程明道先生靜亦定。動亦定之語。此非子之所知也。定之於動靜。非有二

已或能為之。人之所知有所不敢。知人所不能。知已或能知之。凡此豈非操心危慮患深之效歟。雖然。至於師心自用。學植不進。未必不繇此也。古之所謂曲學詖行者。不必淫邪放僻。頭、狼狽如流俗人不肖子者也。蓋皆放古先聖賢言行。依仁義道德之意。如楊墨鄉原之類是也。此等不遇聖賢知道者。則皆自負其有道有德。人亦以為有道有德。豈不甚可畏哉。曾子曰。尊其所聞。則高明。行其所知。則光大。尊所聞。行所知。要須本正。其本不正。而尊所聞。行所知。只成得箇擔板。自沉溺於曲學詖行。正道之所詆斥。累百世而不赦。豈不甚可畏哉。若與流俗人同過其過。尚小擔板沉溺之過。其過甚大。真所謂膏肓之病也。來書舉程明道先生靜亦定。動亦定之語。此非子之所知也。定之於動靜。非有二

也。來書自謂靜而定，亦恐未能果如是也。是處靜處動不同矣。子之意豈不自謂靜時尚或能定，獨難於動而定耶？凡子之所謂定者，非果定也。豈有定於靜而不能定於動耶？至又謂近雖未能不動而於動中之定頗疾幾焉，此正是擔版處。見子壽兄可面扣之，若已悟得，亦不妨驗過。如意有未平，而子壽處或冗未暇言，無惜以片紙見問，切磋之益，政有所望，非所敢憚也。

警撲處自非口舌機鋒。葛端調

○ 見李德遠

古之學者汲汲焉，惟君子之見非以其位華要之地，可以貴已也。非以其積祿邑之贏，可以惠已也。非以其妙速化之術，可以授已也。然而人宜之後世反此。凡其僕僕於人者，必其位華要之地者也。不然則積祿邑之贏者，也不然則妙速化之術者也。非以是三者，雖君子無見焉。有不是三者之為，而惟君子之從，必相與羣而耶俞之，以為狂且怪，其生七歲讀書，十三志古人之學，今二十有四矣，而漫刺未嘗有所授，乃汲汲焉登閣下之門，固衆人之所耶俞以為狂且怪，然而甘心犯之，惟以古人自慰爾。教而進之於閣下，固宜。

落落有高致。葛端調

○得解見提舉

陸九淵

古之見者必以贄。今世之贄以文。文之作所以道進見之意。當介紹之辭。而其弊至於苟為之說。恭敬者君子之道。非是無以為禮。而反之者。夷倨慢媠。失之者恭。至於足敬。至於認。夫無根苟作之說。糞襍綵繡之文。則僕之所不能。夷倨慢媠。足恭。謬敬。則僕之所不敢。欲聞名於將命者。而介紹之辭不先。羔雁之禮不講。用捧咫尺之書。以道其進見之意而已。某七歲讀書。十三志古人之學。亦時習舉子之文。不好也。二十四以書見先達李公。今經略廣西者。書辭纒百餘言。而李公嘉之。是歲寔今天子新即位。須科詔。而其獨殊無應書之意。李公以為不可。乃以向為舉子業。示李公。亦謂為能。其秋竟就試中。選習俗之禮。凡官於是者。

得解見提舉一

無問其與舉選之事與否中選者均往謝焉退又為啓以授之曰大謝
某竊以為舉送公也從而謝焉私也謝之號固不可求其所謂謝之文
讀之於心甚不安故獨不敢謝見太守以其舉送也見貳車以其蒞試
也是時王公為使於此某亦慕其賢而欲見焉而王公適以召去不及
見今某復在舉送之列而執事為使於此其賢尤為人之所敬服用列
前之所為與今之所以進見者為贗焉爾惟執事進而教之
進見以文而至於苟為之說雖昌黎亦不能免不知先生之簡直
端謝

〇〇得解見權郡

其聞君子行不貴苟異〇〇〇〇然習俗之弊〇〇〇害義違禮〇〇〇非法制之〇〇〇所拘而必曰
不〇〇苟異而局局然不敢少違〇〇〇至於禮義之所在〇〇〇非法制之所禁〇〇〇乃曰不
苟異而不敢行則亦非君子之道矣〇〇〇今之舉送古賓興理也〇〇〇其著之令
甲行之官府者皆所以防姦偽待薄俗聖人之不得已也〇〇〇六籍所載雖
不能無脫亂訛誤然前聖之格言先王之善政其存固多較然可考明
天子固以此望天下之賢牧守習俗之弊〇〇〇害義違禮而非法制之所拘
者能徹而新之六籍所載義禮所在而非法制之所禁者能率而行之
此豈非明天子之所欲賢牧守之所當講而儒衣冠者之所願也〇〇〇且法
制之未善朝廷猶有望於縉紳之講明而况非法制之所拘者乎〇〇〇今之

陸九淵

與舉送者獨觀揭示各為文辭群聚而往謝舉送者舉送者乃為之禮然則斯禮也蓋出於與舉送者之所求而非先王之時所謂以禮禮賓之者也况古者以名舉人猶所舉者不謝而舉之者不受謝今之舉以糊名其說以為尤公則亦奚以謝為舉者進謝之禮蓋習俗之弊而以禮禮賓之者蓋先王之禮而賢收守之所宜率行於今日者也故某之進見不敢謝而獨以是為贖進越之罪惟執事察而怒之本朝霍文敏公嘗不謁座主而其典試也亦不受門生之謁前輩風節堅剛總繇於從君父起見非好異也讀此可少破習俗忘公徇私之感葛端調

○○得解見通判

陸九淵

子游稱澹臺子羽非公事未嘗至其室非公事而至公庭不可也其旅試塗棘之間而執事實臨泣之既觀揭示獲與其選用此聞名於將命者不為不可習俗有進謝之禮公舉而私謝僕以為未安適以書言於攝使君甚詳且謂舉送者俟中選之士謝焉而後禮之非所謂以禮禮賓之意意之未究者敢布之執事幸垂聽而察焉嘗觀漢朱博送折儒掾之辭竊嘆俗吏取必三尺俗儒妄說經籍蕪穢大道汗玷前哲罪不容於誅博折掾曰且持此道歸俟堯舜君出為陳說之而掾辭不復博蓋知其不能捨為掾而去夫言聖人之道而為人折辱如此乃獨不能捨為掾而去則當時所陳與今日所養所學可知矣科舉之法唐楊

縮欲變之而不克變。今日堯舜之君在上，天下之好古樂道者，莫不以為必變法。僕以為不必遽及於變也。大冬之與大夏，寒暑之相去遠矣。而其運未始損異，毫末之與合抱，小大之相去遠矣。而其生未始損進。病法之未善而悻然曰必變，非所謂包荒之量神而化之之道矣。幾何而不敗乃事哉。然狃故常而莫之改，偷安便而不肯為，因循苟且，棄玩歲月，則是大冬之不復夏，而毫末之不復進，而可乎？故必變而通之。然後可以言化之之神，而貴包荒之量者，以其有馮河之勇，可以革弊去蠹，有變通之利，而無矯激之難也。今某之所陳於攝使君者，乃先王之禮，明天子之所望於賢牧守者，所謂有變通之利，而無矯激之難者也。贊而成之，惟執事是賴。若乃頌已效之德美，述前日之能事，則非事大

賢君子之道，故不敢以進。

觀得解後進見三書知吾輩始進必以正。幾微不可苟如此。高瑞顯

蘇子瞻補遺三書以吾輩故也必以五德始不可得也地會故臨
則哉子之直始不始也

○○○與辛幼安

時事

陸九淵

輒有區區欲效并獻伏惟少留聰明賜之是正竊見近時有議論之蔽
本出於小人之黨欲為容奸度慝之地而飾其辭說託以美名附以古
訓要以利害雖資質之美心術之正者苟思之不深講之不詳亦徃逞
為其所惑此在高明必已洞照本末而其私憂過計未能去懷敢悉布
之且以求教古人未嘗不言寬寬也者君子之德也古之賢聖未有無
是心無是德者也然好善而惡不善好仁而惡不仁乃人心之用也過
惡揚善舉直錯枉乃寬德之行也君子固欲人之善而天下不能無不
善者以害吾之善固欲人之仁而天下不能無不仁者以害吾之仁有
不仁不善為吾之害而不有以禁之治之去之則善者不可以伸仁者



不可以遂。是其去不仁，乃所以為仁。去不善，乃所以為善也。故曰為國
家者見惡。如農夫之務去艸焉。芟夷蕪崇之。絕其本根。勿使能殖。則善
者信矣。夫五刑五用。古人豈樂施此於人哉。天討有罪。不得不然耳。是
故大舜有四裔之罰。孔子有兩觀之誅。善觀大舜孔子寬仁之實者。於
四裔兩觀之間而見之矣。近時之言寬仁者。則異於是。蓋不究夫寬仁
之實。而徒欲為容姦度隱之地。殆所謂以不禁姦邪為寬大。縱釋有罪
為不苛者也。罪疑惟輕。罪而有疑。固宜惟輕。與其殺不辜。寧失不經。謂
罪疑者也。使其不經甚明。而無疑。則天討所不容。釋豈可失也。宥過無
大刑。故無小。使在趨走使令之間。簿書期會之際。偶有過誤。宥之可也。
若其貪黷姦宄。出於其心。而至於傷民蠹國。則何以宥為。於其所不可

失而失之。於其所不可宥而宥之。則為傷善。為長惡。為悖理。為不順天
殆非先王之政也。自古張官置吏。所以為民。為之囹圄。為之械繫。為之
鞭箠。使長吏捺之以禁民為非。去其不善。不仁者而成其善政。仁化懲
其邪惡。除亂禁暴。使上之德意布宣於下。而無所壅底。今天子愛養之
方。丁寧於詔旨。勤卹之意。焦勞於宵旰。賢牧伯班宣。惟勤勞來。不怠列
郡。成風。咸尚慈恕。而縣邑之間。貪饕矯虔之吏。方且用吾君禁非懲惡
之具。以逞私濟欲。置民於囹圄。械繫鞭箠之間。殘其支體。竭其膏血。頭
會箕歛。槌骨懸髓。與奸胥猾徒。厭飫咆哮其上。巧為文書。轉移出沒。以
欺上府。操其奇贏。與上府之左右。締交合黨。以蔽上府之耳目。田畝之
措。耶言之。可痛哭。
民劫於刑威。小吏下片紙。因累累如驅羊。劫於庭廡。械繫之威。心悸股

慄。蕪。楚。之。慘。號。呼。顛。天。隳。家。破。產。質。妻。鬻。子。僅。以。自。免。而。曾。不。得。執。一。字。之。符。以。赴。愬。於。上。上。之。人。或。浸。淫。聞。其。髣髴。欲。加。究。治。則。又。有。庸。鄙。淺。陋。明。不。燭。理。志。不。守。正。之。人。為。之。緩。頰。敷。陳。仁。愛。寬。厚。有。體。之。說。以。杜。吾。窮。治。之。意。游。揚。其。文。具。偽。貌。誕。謾。之。事。以。掩。其。罪。惡。之。迹。遂。使。明。天。子。勤。恤。之。意。牧。伯。班。宣。之。誠。壅。底。而。不。達。百。里。之。宰。真。承。宣。撫。字。之。地。乃。復。轉。而。為。豺。狼。蝨。蠹。之。區。日。以。益。甚。不。可。驅。除。豈。不。痛。哉。若。是。者。其。果。可。宥。乎。果。可。失。乎。至。於。是。而。又。泛。言。寬。仁。之。說。以。逆。蔽。吾。窮。治。之。途。則。其。滋。害。遺。毒。縱。惡。傷。和。豈。不。甚。哉。其。與。古。人。寬。仁。之。道。豈。不。戾。哉。今。之。貪。吏。每。以。應。辦。財。賦。為。辭。此。尤。不。可。不。辯。今。日。邦。計。誠。不。充。裕。賦。取。於。民。者。誠。不。能。不。益。於。舊。制。居。計。省。者。誠。能。推。支。費。浮。衍。之。縣。察。收。歛。滲。漏。之。虞。深。求。節。約。簡。尼。之。方。特。行。施。舍。已。責。之。政。以。寬。民。力。以。厚。國。本。則。於。今。日。誠。為。大。善。若。未。能。為。此。則。亦。誠。深。計。遠。慮。者。之。所。惜。也。今。日。之。苦。於。貪。吏。者。則。不。在。此。使。吏。果。不。貪。則。因。今。之。法。循。今。之。例。以。賦。取。於。民。民。猶。未。甚。病。也。今。貪。吏。之。所。取。供。公。上。者。無。幾。而。入。私。囊。者。或。相。十。百。或。相。千。萬。矣。今。縣。邑。所。謂。應。辦。月。解。歲。解。者。固。多。在。常。賦。之。外。然。考。其。所。出。則。逐。處。各。有。利。源。利。源。所。在。雖。非。著。令。之。所。許。而。因。循。為。例。民。亦。視。以。為。常。而。未。甚。病。也。利。源。有。優。狹。優。者。應。辦。為。易。狹。者。應。辦。差。難。然。通。而。論。之。優。者。多。狹。者。少。若。循。良。之。吏。則。雖。在。利。源。狹。處。亦。寧。書。下。考。不。肯。病。民。今。之。貪。吏。雖。在。利。源。優。處。亦。啓。無。厭。之。心。搜。羅。既。悉。而。旁。緣。無。執。張。奇。名。以。巧。取。持。空。言。以。橫。索。無。所。不。至。方。且。託。應。

既悉而旁緣無執張奇名以巧取持空言以橫索無所不至方且託應

辨之名為缺乏之說以欺其上。願不知事實不可掩。明者不可欺。通數十年之間。取其蘆而能者與其貪之尤者而較之。其為應辨則同。而其賦取誅求於民者。或相千萬而不啻。此貪吏之所借以為說而欺上之人者。最不可不察也。貪吏害民害之大者。而近時持寬仁之說者。乃欲使監司郡守不敢按吏。此愚之所謂議論之蔽而憂之未能去懷者也。不識執事以為如何。今江西緊安撫脩撰是賴。願無搖於鄙陋之說。以究寬仁之實。使聖天子愛養之方。勤恤之意。無遠不暨。無幽不達。而執事之舊節素守。無所屈撓。不勝幸甚。

史貪則民貧。民貧則強者為盜賊。弱者為魚肉。其理非難曉者。此志真勦寇第一義。有監府之責者知之。為端調。

與傳全集

改過

陸九淵

南城朋舊至此未嘗不詢動靜。比來於包頭道處。尤知其詳。竊聞嘗以追惟往事。自咎過深。至於成疾。此殆失於講究用心之過也。古之學者。本非為人。遷善改過。莫不繇己善在所當遷。吾自遷之。非為人而遷也。過在所當改。吾自改之。非為人而改也。故其聞過則喜。知過不諱。改過不憚。顏氏有不善。未嘗不知。知之未嘗復行。豈為人哉。一聞為仁。繇己之言。請問其目。不少後。既得視聽言動之目。請事斯語。不少遜。其竊嘗謂若類子者。可謂天下之大勇矣。故其言曰。舜何人也。予何人也。有為者。亦若是。聖人所貴於訟過者。以其知之必明。而改之必勇也。今訟其過。而至於消沮摧縮。奪其志氣。而蝕其神明。則亦非聖人訟過之旨矣。

鈞是人也。雖愚可使必明。雖柔可使必強。困學可使必至。於知勉行可
使必至於安。聖人不我欺也。於是而曰我不能。其為自棄也。果矣。常人
有是皆可責也。若夫質之過人者。而至於有是。是豈得而逭其責哉。全
如其志氣摧縮。稍激揚以掖之。
如全美之穎悟俊偉。蓋造物者之所畜。而時一見焉者。也。聞見該洽。詞
深瞻蔚。乃其餘事。公方之操。闊達之度。交游推服。聞者莫不敬仰。又謙
謙若不足。片言之善。一行之美。雖在晚進。後出。樂推先焉。此人所難能
而全美優為之。古人之學。非全美之望。而誰望。若乃比者。致疾之故。則
又殆於不能自拔者矣。繇前之責。非全美之責。而誰責。不肖之人。恃逆
犯上。致有餘罪。而何敢見其靈響。今全美乃悔其初。不有以厭不肖者
之欲。而以致彼之死。為已罪。則亦惑矣。夫厭不肖者之欲。以遂其悖逆
之謀。繩以春秋之法。不免於首惡矣。患姦獎逆。以細人之姑息為美。行
以全美之明。豈得不知此之為非。是而反悔其既往之。不為邪崇之說。
稍剛正者。不得而行焉。而全美乃感之乎。是殆生於悔。所不當悔。而侵
尋以溺於。是耳。夫以不為細人之姑息。以患姦獎逆為悔。以死有餘罪
之鬼。決不敢見其靈響者。為崇。則全美之不能自拔。甚矣。夫不能自拔
之過。在今日所宜勇改者。悔其所不當悔。感其所不當感。其理既明。願
速更之。毋遲遲也。君子之過也。如日月之食焉。過也。人皆見之。更也。人
皆仰之。過者。雖古之聖賢。有所不免。而聖賢之所以為聖賢者。惟其改
之而已。不勇於改。而徒追咎懊悔者。非其之所聞也。人之所以為人者。
惟此心而已。一有不得其正。則當如救焦溺而求所以正之者。全邪正

是非之理既已昭白。豈可安於所惑。恬於所溺。而緩於適正也哉。今人所患在於以己為是。歸非他人。雖有顯過。猶悍然自遂。未嘗略有自咎自責之意。令全美於所不當。自然者尚以自咎於所不當。自責者尚以自責與所謂不知其非。悍然自遂者相千萬也。今豈不能於所當改者而勇改之。顧益勵學不為人之志。勉致為仁。繇己之實。思顏子之大勇。奮然自拔。蕩滌摧傷。湮沒之意。不使有毫毛得以宿留於庭宇。光芒所射。豈止在牛斗間。正大之氣。當塞宇宙。則吾道有望。振警之氣。令人強明。以有立。著端調。

〇〇〇典包詳道

心學

陸九淵

人生天地間。氣有清濁。心有智愚。行有賢不肖。必以二塗。揔之則宜賢者。心必智。氣必清。不肖者。心必愚。氣必濁。而乃有大不然者。乖爭陵犯。汙穢邪淫之行。常情之所羞。所惡者。乃或縱情甘心而為之。此所謂行之不肖者也。於此有所不敢為。有所不忍為。有所不肯為。而每求其是者。正者善者而為之。雖未能必是。必正必善。而其志則然。日履之間。蓋與向所謂不肖者背而馳也。是亦可謂行之賢者也。行之不肖。固為愚矣。謂不肖者為愚。則反是者亦可謂之智。然行之不肖者。則或耳目聰明。心慧。習技。術則易能。語理致則易曉。人情世態多所通達。其習於書史者。雖使之論道術之邪正。語政治之得失。商人品之高下。決天

卷之三

典包詳道一

四五

下○國○家○之○成○敗○安○危○亦○能○得○其○髮○髻○彼○固○不○能○知○其○真○得○其○實○詰○其○精
微○臻○其○底○蘊○而○其○揣摩○傳○會○之○巧○亦○足○以○榮○惑○人○之○耳○目○而○欺○未○明○者
之○心○玩○之○而○有○味○稽○之○而○有○詆○非○知○言○之○人○殆○未○可○謂○不○難○辯○也○至○其
行○之○賢○者○則○或○智○慮○短○淺○精○神○昏○昧○重○以○聞○見○之○狹○陋○漸○習○之○庸○鄙○則
其○於○慧○巧○者○之○所○辯○渾○然○曾○不○能○知○甚○至○於○荀○卿○所○謂○門○庭○之○間○猶
可○誣○欺○焉○道○術○之○邪○正○政○治○之○得○失○人○品○之○高○下○天○下○國○家○之○成○敗○安
危○尚○何○所○復○望○其○判○白○黑○於○其○間○哉○利○誘○而○害○怵○刑○驅○而○勢○迫○雖○使○之
如○齋○丘○開○之○赴○水○火○蓋○未○必○不○可○也○理○不○可○以○泥○言○而○求○而○非○言○亦○無
以○喻○理○道○不○可○以○執○說○而○取○而○非○說○亦○無○以○明○道○理○之○衆○多○則○言○不○可
以○一○方○指○道○之○廣○大○則○說○不○可○以○一○體○觀○昔○人○著○述○之○說○當○世○講○習○之

言○雖○以○英○傑○明○敏○之○資○盤○旋○厥○既○於○其○間○尚○患○是○非○之○莫○辯○邪○正○之○莫
分○亂○真○之○似○失○實○之○名○一○有○所○蔽○而○天○地○為○之○易○位○差○之○毫○釐○繆○以○千
里○其○於○聖○賢○之○言○一○失○其○指○則○倒○行○逆○施○弊○有○不○可○勝○言○者○况○於○短○淺
之○智○慮○昏○昧○之○精○神○狹○陋○之○聞○見○庸○鄙○之○漸○習○一○旦○駭○於○荒○唐○繆○悠○之
說○驚○於○詭○譎○怪○誕○之○辭○則○其○顛○損○狼○狽○之○狀○可○勝○言○哉○正○使○與○之○誦○唐
虞○之○書○詠○商○周○之○詩○殆○亦○未○必○不○指○汙○沱○為○滄○海○謂○丘○垤○為○嵩○華○况○又
襍○之○以○不○正○之○言○亦○安○得○而○不○狼○狽○哉○當○其○猖○狂○惶○駭○之○時○蓋○不○必○明
者○而○後○知○其○繆○也○繇○是○而○言○則○所○謂○清○濁○智○愚○者○殆○不○可○以○其○行○之○賢
不○肖○論○也○觀○詳○道○之○素○亦○可○謂○行○之○賢○者○也○然○某○之○竊○所○憂○者○蓋○以○其
氣○之○不○得○為○清○而○心○之○不○得○為○智○聞○見○之○不○博○而○漸○習○之○未○洪○一○有○所

駭而莫克自定止之者不一二而驅之者八九其所當論者蓋在清濁
智愚之間而不在於道術之際也。不論其始之謬以求復其常而恣精
殫力於道術是非之際。此其所以愈騫而愈遠也。詳道始至此而說蓋
甚恠然其觀詳道之質本甚淳樸。非能自為此恠說也。使生治古盛時
康衢擊壤之謠。中林肅肅之行。未必不優為之也。一溺於流俗。再眩於
怪說。狼狽可憐之狀。遂至於此。凡所以相告者。不過明怪說之妄。欲詳
道之知其非而復其常也。所慮者。通既曉了之人。少狂妄迷惑之人多。
則其相與推激而至於風波荆棘陷穽之地者。必衆。詳道氣之未清。心
之未智。則殆將鼓舞倡和於其間。又安能知其非而自免於此耶。今詳
道日履之間。所謂行之賢者。固未嘗自失。獨不幸恚心畢力以講術業。

而不能自免於迷惑。今但能退而論於智愚清濁之間。則是惑庶幾乎
自解矣。道術之是非邪正。徐而論之未晚也。當局者迷。旁觀者審。用心
急者多不曉了。用心平者多曉了。英爽者用心一緊。亦且顛倒眩惑。况
昏鈍者。豈可緊用心耶。昆仲向學之志甚勤。所甚病者。是不合相推激
得用心太緊耳。幾先嘗說諸公。所謂退步乃是進步耳。此公却胸襟曉
了。盡不狂妄其疇昔之所患。在於徇俗自安。不向進耳。使其聞正言而
知懼知勉。却不至於繆戾也。

此真為己之言。負血氣之到。而自詡有志當世者。讀此可知戒而自
反矣。葛端調

與邵中孚 心學

陸九淵

所示進學證驗、此乃吾友天資樸茂、立志堅篤、故能如此可喜可慶、居
 天下之廣居、立天下之正位、行天下之大道、乃吾分內事耳、若不親師
 友、汨沒於流俗、驅而納諸罟獲陷阱之中、而莫之知辟、豈不可怜哉、孟
 子曰、苟得其養、無物不長、苟失其養、無物不消、今吾友既得其本心矣、
 繼此能養之、而無害、則誰得而禦之、如木有根、苟有培浸、而無傷戕、則
 枝葉當日益暢茂、如水有源、苟有玩浚、而無壅窒、則波流當日益充積、
 所謂原泉混混、不舍晝夜、盈科而後進、放乎四海、有本者如是、大抵讀
 書、詰訓既通之後、但平心讀之、不必強加揣量、則無非浸灌培益、鞭策
 磨勵之功、或有未通曉處、姑缺之、無害、且以其明白昭晰者、日加涵泳、

則自然日光日明後日本原源原則向來未曉者將亦有渙然水釋者
矣告子一篇自牛山之木嘗美矣以下可常讀之其浸灌培植之益當
日浚日固也其卷首與告子論性處却不必深考恐其力量未到則反
惑亂精神後日不患不通解也此最是讀書良法其他非相見莫能盡
尚書皋陶益稷大禹謨太甲說命旅獒洪範無逸等篇可常讀之其餘
少緩何時得相見諸當面盡未聞千萬勉旃以卒賢業

論讀書處可無窮思害心之弊
葛端調

與包顯道四

論學

陸九淵

天下事固有易言者有難言者有易辯者有難辯者人之病有易醫者
有難醫者非必不可醫為其病奇怪非如平常在表當汗在裏當下可
執常方而治之耳是下所與李解元序文及諸書覽之汗額思為一言
以相藥則又有難言者然後知是下之病政所謂難醫者昨晚朝穎言
及其證亦甚明但恐言之中而足下未必省則又成難醫耳請試言之
是下之病得於好事凡親師友為學立行皆送好事中來故虛而不實
宜於今而未宜於古此言甚苦甚難聽是下未必肯服義然其實是也
幸毋忽而求諸道某嘗見士人試罷必各自謂得意自美其文有言其
文不佳者則甚拂其意吾嘗為之說曰但可擇此人平時不相能有辨

際雅所憎惡者錄其文示之其人讀之失色喪氣不能自振則其文真
佳文也如是而有不中選乃可言有司不明蓋不相能有離隙雅所憎
惡之人必不欲我試中必不欲我程文之佳今觀我文慘然索然喪氣
失色則其文必佳也又有一說亦須是憚人識文字者方可為準今誠
使素不說顯道而稍有見識者讀之却未必不竊喜以為無根如此不
足畏也他非面莫究

筆致深簡可憐是端誠

不

不

○○○與趙推

聽訟

陸九淵

黃霸為潁川守鰥寡孤獨死無葬者霸為區處曰某所大木可以為棺
其亭猪子可以祭吏往皆如其言遣吏司察事既還而勞其食於道傍
為鳥可攫肉事每得寔人無敢欺皆以為神史家載其得之之繇以為
語次尋繹問他陰伏以相參攷後世儒者乃以為鉤距而鄙之此在黃
霸雖未盡善而後儒非之者尤為無知蓋不論其本而論其末不觀其
心而遽議其行事則皆不足以論人原霸之心本欲免人之欺求事之
寔則亦豈可多罪今風俗弊甚獄訟煩多吏姦為朋民無所歸命曲直
不分以賄為勝負獄訟之間雖有善士臨之亦未必能盡得其情若有
志之士欲研究其寔豈免用問馬參牛之智愚儒必以鉤距非之則是

與趙推一

五十

必使情實不知曲直倒置姦惡肆行不辜無告然後為道耶故愚儒之
論害道傷治真寔學者必當明辨乎此則正理可得而信也近見王吉
州言監司太守不可輕置人於獄蓋獄官多非其人吏卒常司其權平
民一抵於獄惟獄吏之所為無楚之下何求不得文案既上從而察之
不能復有所見矣蓋其詞情皆繇於吏卒之所成練前書所謂奏當之
成雖使臯陶聽之猶以為死有餘辜者謂此也今有兩詞各護其說左
證疑似簿書契要無可攷據事又有不在簿書契要者則獄中求寔之
法謂之閃隔假令有二人則隔為二處三人則隔為三處不使之相聞
知以吾所疑與其事之節目逐處審問謹思精察要領可以得情者反
覆求之若使得在初詞之外若可據信則必於兩處審必使有若

合符節者乃可據耳然此事最難若官人盡心却不能防吏卒之姦則
吏卒必陰漏其事則官人之智無所施矣故獄訟惟得情為難唐虞之
朝惟臯陶見道甚明羣聖所宗舜乃使之為士周書亦曰司寇蘇公式
敬爾繇獄賁象亦曰君子以明庶政無敢折獄賁乃山下有火火為至
明然猶言無敢折獄此事正是學者用工處啞嗑離在上則曰利用獄
豐離在下則曰折獄致刑蓋貴其明也新司理初間甚賢繼而聞之亦
無能為重輕足下尤宜謹之
士一臨民則必親刑獄之事聽斷之法尤宜於今日心清慮到時預
自籌度者葛端調

自漢興後 莫能隨

士一歸為限必歸所歸之率歸德之制亦宜於今日以徵徵陸部所

無非為重縛是下亦宜蠲之

豈非去下限曰林林總總所蓋貴其用也條同野所開其費雖亦間之亦

即然商言無嫌林林總總也事五異學皆用工費盡盡難去且曰休用難

婦爾雜雜青萊亦曰吾子以即無如無嫌林林總總也山不齊火火蒸五

陸鍾阜山良道其國羣聖即宗我之對之為士國書亦曰曰限蘇公亦

更平必創識其事即官人之替無即茲矣姑姑姑姑姑姑姑姑姑姑姑姑姑

合於情於法可謂平也世傳鼎鑊謀官入盡必情不給胡吏卒之其同

○○與蘇宰三

征翰

陸九淵

如聞徒御戒行將如郡即豈黃堂將大行寬恤之政以厚吾民之力為

國家培固根本為萬世不拔之基耶撫字心勞催科政拙此陽道州所

以為當世大賢而史家載之以為美談者天以斯民付之吾君吾君又

以斯民付之守宰故凡張官置吏者為民設也無以厚民之生而反以

病之是失朝廷所以張官置吏之本意矣無君子莫治野人無野人莫

養君子朝廷官府之用固當野人供之今賦輸之法斯民所當遵而不

違也違而不共民之罪也官從而督之理之宜也為守宰者固不可以

託催科政拙之言而置賦稅之事一切不理易曰理財正辭禁民為非

曰義必指簿書期會為非吾當務此乃腐儒鄙生不聞大道妄為繆悠

之說以自蓋其無能者之言也。今簿書不理，吏胥因為紊亂。為長吏者，難於稽攷。吏胥與姦民為市，使長吏無所窺尋其蹤迹。此所當深思精攷，覈其本末，求其要領，乃所為理財正辭，禁民為非者也。簿書齊整，明白夷無所容姦，則姦民懼而弊事理。良民下戶畏事之人，不復被擾矣。若循理而治賦輸，又不能寬上府之督責，則致為臣而去，豈不甚公甚正，甚榮甚美哉。有如文丈大鄉之賢，善類所宗，亦必甚慰其意，以為吾有賢子，不愧於陽道州矣。世間富貴何限，往往與草木俱腐，其能自拔而與陽道州儼駕於方冊者，幾何人哉。若曰：今不得已，且屈吾平日之志，為苟免之道，非其之所聞也。吾人要當求師於往聖，昔賢有識君子，不可聽計於史胥吏胥者。吾之所御，豈可反入其籠罩之中也。

錢穀出納之事，既非士所素嫻，一至臨民，茫無頭緒。遂至地方事例，必外詢于老吏，征歛陋規，必內受於法家，昔責在前，糾拾在後。平日所學，毫無可恃，有不一變而為苟免之道者，幾希矣。不知地方事宜，但使吾心虛公恪慎，自可得之。賢士大夫而征歛之方，則數居六藝之末，非吾輩可謝為分外者。蓋計數既明，則奸胥畏服，自無法弊之憂。又何陋規之足讓乎。葛端調

陸九淵

○○○與楊守三吏治

陸九淵

遠遠色矣。倏爾經時。洽聞謳謔。益用鄉德。某自省事以來五十年矣。不
 知幾易太守。其賢而可稱者。惟張安國。趙景明。陳時中。錢伯同四人。殆
 如晨星之相望。可謂難得矣。今執事臨之。又光於諸公。邦人何幸。雖然。
 屬者郡政不競。已甚。積弊宿蠹。殆難驅除。滑吏豪家。相為表裏。根盟節
 錯。為民蠹蟻。質之淳黠。勢之強弱。相去懸絕。本非對偶。吏胥居府廷。司
 文案。宿留於邦君之側。以閑劇勞。逸嘗吾之喜愠。以日月淹速。嘗吾之
 忘憶。為之先後緩急。開闔損益。以蔽吾聰明。亂吾是非。而行其計。豪家
 擁高貲。厚黨與。附會左右之人。創端緒於事外。以亂本旨。結左證於黨
 中。以寔偽事。工為節目。以與吏符合。而成其說。吾以異鄉之人。一旦而

與楊守三一

五

聽之。非素諳其俗。而府中深崇。閭里之事。不接於吾之目。塗巷之言。不聞於吾之耳。被害者。又淳厚柔弱。類不能自明。自達。聽斷之際。欲必得其情。而不為所欺。此甚明者之所難也。吾雖得其情。彼尚或能為之牽制。以格吾之施行。吾斷之速。則文疎事漏。而無以絕其辭。吾求之詳。則日引月長。適以生其奸。况其是非曲直之未分。而常有以貳吾之心。疑吾之見。變亂其事。寔而其情亦未易得也。一墮其計。奸惡失所畏。良善失所恃矣。豈不難哉。善惡之習。猶陰陽之為消長。無兩大之理。一人之身。善習長而惡習消。則為賢人。反是則為愚。一國之俗。善習長而惡習消。則為治國。反是則為亂。時之所以為否泰者。亦在此而已。開闢以來。羲皇而降。聖君賢相。名卿良大夫。相與扶持封殖者。善也。其所防閑杜絕者。惡也。明明在上者。明此而已。火在天上。大有明之至也。象曰。君子以遏惡揚善。順天休命。傳亦有之。為國家者。見惡如農夫之務去草焉。矣。莫蘊崇之。絕其本根。勿使能植。則善者信矣。夫子曰。聽訟吾猶人也。必也使無訟乎。使夫子生今之世。為今之吏。亦豈遽使人無訟哉。易有訟卦。其來久矣。不能無訟。豈惟今日。若其聽訟之間。是非易位。善惡倒置。而曰自有使人無訟之道。無是理也。舜之受終。必流共工於幽州。放驩兜於崇山。竄三苗於三危。殛鯀於羽山。而後天下咸服。夫子之得象。政必誅少正卯於兩觀之下。而後沈猶氏不敢朝。飲其羊。公鎮氏出其妻。鎮潰氏踰境。而徙魯之鬻牛馬者。不豫價。遏惡揚善。順天休命。前聖後聖。其揆一也。必使無訟之道。當於聽訟之間。見之矣。君子之所以異。

於人者以其存心也。過惡揚善順天休命此其存心也。與後世苟且以
逃吏責鈞距以立威者豈可同年而語哉。舉斯心以加諸彼使善習日
長惡習日消惡者屈善者信其無訟也必矣。蒙照知之素輒效區區以
禱萬一

大畏民志此解得其實。葛端調

與李成之仕進

陸九淵

某去冬距對班數日忽有丞丞之除王給事遂見繳既而聞之有謂吾
將發其為首相爪牙者故皇懼為此抑可憐也。古人所以不屑屑於間
政造人而必務有以格君者蓋君心未格則一邪熟一邪登一弊去一
弊興如循環然何有窮已及君心既格則規模迥耶有若燕越邪正是
非有若蒼素大明既升羣陰畢伏是瑣瑣者亦何足復汗人牙頰哉。鄉
來面對粗陳梗槩明主不以為狂而條貫靡竟統紀未終所以低回之
久者欲俟再望清光輸寫忠蘊以致臣子之義耳。然而不遂則亦天也。
王氏之子焉能使予不遇哉。
明坦不支。可想心境之曠。葛端調

[Faded bleed-through text from the reverse side of the page]

○與劉伯協二時事

陸九淵

○人○家○之○興○替○在○義○理○不○在○富○貴○假○令○貴○為○公○相○富○等○崇○愷○而○人○無○義○理○
○正○為○家○替○若○簞○食○瓢○飲○肘○見○纓○絕○而○人○有○義○理○正○為○家○興○吾○人○為○身○謀○
○為○子○孫○謀○為○親○戚○謀○皆○當○如○此○然○後○為○忠○其○自○謀○者○或○不○然○亦○是○不○忠○
○於○吾○身○矣○其○向○來○區○區○之○志○素○有○不○在○利○害○間○之○語○正○為○此○耳○來○示○所○
○謂○輕○犯○名○分○之○語○甚○未○當○理○名○分○之○說○自○先○儒○尚○未○能○窮○究○其○素○欲○著○
○論○以○明○之○流○及○近○時○為○弊○益○甚○至○有○郡○守○貪○黷○庸○繆○為○厲○民○之○事○縣○令○
○以○義○理○爭○之○郡○守○輟○以○犯○名○分○効○令○朝○廷○而○食○者○不○能○明○辯○其○事○今○竟○
○以○罪○去○此○何○理○也○理○之○所○在○匹○夫○不○可○犯○也○犯○理○之○人○雖○窮○富○極○貴○世○
○莫○能○難○當○受○春○秋○之○誅○矣○當○此○道○不○明○不○行○之○時○羣○小○席○勢○以○沒○事○亦○

陸象山文集
何嘗不借道理以為說。○ 頌不知彼之所言道理者皆非道理也。○ 倘不以斯言為罪。○ 敢傾倒以畢其說。○
詞旨明勁。○ 葛端調。

○○與黃循中勸學

陸九淵

某山居講習粗適素懷荆門之命固出廟朝不忘之意然雅未有為史之興幸尚遲次可徐決去就耳人之不可以不學猶魚之不可以無水而世至視若贅疣豈不甚可歎哉穹壤間竊取富貴者何限惟庸人鄙夫羨之耳識者視之方深憐甚憫傷其賦人之形而不求盡人之道至與蟻蟲同其飽適好惡虛生浪死其在高位者適足以播惡遺臭貽君子監戒而已此固循中所宜深曉第居今之世不得不申言之諒亦不厭於此也

痛切葛端調

○ ○ 刪定官輪對劄子

陸九淵

臣嘗謂事之至難莫如知人事之至太亦莫如知人人主誠能知人則
 天下無餘事矣管仲常三戰三北三見逐於君鮑叔何所見而遽使小
 白置甕子之怨釋囚拘而相之韓信家貧無行不得推擇為吏不能自
 業見厭於人寄食於漂母受辱於跨下蕭相國何所見而必使漢王拔
 於亡卒之中齋戒設壇而拜之陸遜吳中年少書生耳呂蒙何所見而
 必使孫仲謀度越諸老将而用之諸葛孔明南陽耕夫偃蹇為大者徐
 庶何所見而必欲屈蜀先主枉駕顧之此四人者自其已成之效觀之
 童子知其非常士也常其困窮未遇之時臣嘗謂常人之識必無能知
 之○ 妙 ○ 語 ○ 確 ○ 理 ○理人之知識若登梯然進一級則所見愈廣上者能兼下之所見下

若○必○不○能○如○上○之○所○見○陛○下○誠○能○坐○進○此○道○使○古○今○人○品○瞭○然○於○心○目○
則○四○子○之○事○又○豈○足○為○陛○下○道○哉○若○猶○屈○鳳○翼○於○鷄○鶩○之○群○日○與○瑣○瑣○
者○共○事○信○其○俗○耳○庸○自○以○是○古○非○今○臧○否○人○物○則○非○臣○之○所○敢○知○也○凡○
進○止○

知人之知識如登梯則知人之明誠可學而至矣 葛端調

敬齋記

古○之○人○自○其○身○達○之○家○國○天○下○而○無○愧○焉○者○不○失○其○本○心○而○已○凡○今○為○
縣○者○豈○顧○其○心○有○不○若○是○乎○哉○然○或○者○過○於○勢○而○狃○於○習○則○是○心○殆○不○
可○攻○吏○縱○弗○肅○則○曰○事○倚○以○辦○民○困○弗○蘇○則○曰○公○取○以○足○貴○勢○富○強○雖○
姦○非○治○貧○羸○孤○弱○雖○直○非○信○習○為○故○常○天○子○有○勤○恤○之○詔○迎○宣○拜○伏○不○
為○動○心○曰○奚○獨○我○責○吏○縱○弗○肅○民○困○弗○蘇○姦○非○治○而○直○弗○信○天○子○勤○恤○
之○意○不○宣○於○民○是○豈○其○本○心○也○哉○勢○或○使○之○然○也○方○其○流○之○未○遠○平○居○
靜○慮○或○有○感○觸○豈○能○不○忸○怩○於○其○心○至○其○同○利○相○挺○同○波○相○激○視○已○所○
行○為○天○下○達○道○訕○侮○正○言○仇○讐○正○事○則○是○心○或○幾○乎○泯○矣○人○之○所○以○異○
於○禽○獸○幾○希○庶○民○去○之○君○子○存○之○是○心○或○幾○乎○泯○矣○吾○為○懼○矣○天○地○鬼○神○

陸九淵

不可誣也。愚夫愚婦不可欺也。是心或幾乎泯。吾為懼矣。黃鍾大呂施
宣於內。能生之物莫不萌芽。奏以大簇。助以夾鍾。則雖瓦石所壓。重屋
所蔽。猶將必達。是心之存。苟得其養。勢豈能遏之哉。貴溪信之大縣。縣
地過百里。民繁務劇。暨陽吳公為宰於茲。吏肅矣。而事未始不辨。民蘇
矣。而公未始不足。姦治直信。民莫不悅。而惴惴焉。惟恐不能宣天子勤
恤之意。是其本心之所發。而不過於其勢者耶。然公之始至。則修學校。
延師儒。致禮甚恭。余屢辱其禮。不敢受。今為齋於其治之東。偏名之以
敬。請記於余。又至於再三望道之重。若不可及者。某聞諸父兄師友。道
未。有外乎其心者。自可欲之善。至於大而化之之聖。聖而不可知之神。
雖吾心也。心之所為。猶之能生之物。得黃鍾大呂之氣。能養之。至於必

遠。使瓦石有所不能。壓重屋有所不能。蔽。則自有諸已。至於大而化之
者。敬其本也。豈獨為縣而已。雖然。不可以不知其害也。是心之根莖。萌
於交物之初。有滋而無蔓。根固於急。忽末。蔓於馳騖。濛密。覆良苗。為
之不殖。實著者。易拔。形潛者。難察。沒事於敬者。尤不可不致其辨。公其
謹之。其雖不敏。他日周旋函丈。願有所請。公名博古。字敏叔。淳熙二年
十有二月望日。迪功郎新隆興府靖安縣主簿陸某記。
道氣博浩。不事文藻之飾。
葛端調

○○○荆國王文公祠堂記

陸九淵

唐虞三代之時、道行乎天下、夏商叔葉、去治未遠、公卿之間、猶有典刑、伊尹適夏、三仁在商、此道之所存也、周歷之季、跡熄澤竭、人私其身、士私其學、橫議蜂起、老氏以善成其私、長雄於百家、竊其遺意者、猶皆逞於天下、至漢而其術益行、子房之師、寔維黃石、曹參避堂、以舍蓋公、高惠收其成績、波及文景者、二公之餘也、自夫子之皇皇、沮溺接輿之徒、固已竊議其後、孟子言必稱堯舜、聽者為之藐然、不絕如綫、未足以喻斯道之微也、陵夷數千百載、而卓然復見斯義、頌不韋哉、谷陵之得公、問唐太宗何如、主公對曰、陛下每事當以堯舜為法、太宗所知不遠、所為未盡、合法度、裕陵曰、卿可謂責難於君、然朕自視眇然、恐無以副此

意卿宜悉意輔朕庶同濟此道自是君臣議論未嘗不以堯舜相期及
委之以政則曰有以助朕勿惜盡言又曰須督責朕使大有為又曰天
生俊明之才可以覆庇生民義當與之戮力若虛捐歲月是自棄也秦
漢而下南面之君亦嘗有知斯義者乎後之好議論者之聞斯言也亦
嘗隱之於心以揆斯志乎魯公曰聖知如此安石殺身以報亦其宜
也公曰君臣相與各欲致其義耳為君則自欲盡君道為臣則欲自盡
臣道非相為賜也秦漢而下當塗之士亦嘗有知斯義者乎後之好議
論者之聞斯言也亦嘗隱之於心以揆斯志乎惜哉公之學不足以遂
斯志而卒以負斯志不足以究斯義而卒以蔽斯義也昭陵之日使還
獻書指陳時事剖析弊端枝葉扶疎往往切當然覈其綱領則曰當今

之法度不合乎先王之法度公之不能究斯義而卒以自蔽者固見於
此矣其告裕陵蓋無異指勉其君以法堯舜是也而謂每事當以為法
此豈足以法堯舜者乎謂太宗不足法可也而謂其所為未盡合法度
此豈足以度越太宗者乎不知言無以知人也公疇昔之學問熙寧之
事業舉不遁乎使還之書而排公者或謂容悅或謂迎合或謂變其所
守或謂卑其所學是尚得為知公者乎氣之相連而不相悅則必有相
訾之言此人之私也公之未用固有素訾公如張公安道呂公獻可蘇
公明允者夫三公者之不悅於公蓋生於其氣之所迕公之所蔽則有
之矣何至如三公之言哉英特邁往不屑於流俗犗色利達之習介然
無毫毛得以入於其心潔白之操寒於冰霜公之質也掃俗學之凡陋

振弊法之因循道術必為孔孟勲績必為伊周公之志也。不斬人之知而藉先奕華一時鉅公名賢為之左次。公之得此豈偶然哉。用逢其時君不世出學焉而後臣之無愧成湯高宗君或致疑謝病求去君為責躬始復視事公之得君可謂專矣。新法之議舉朝謹譁行之未幾天下怙恟公方秉執周禮精白言之自信所學確乎不疑君子力爭繼之以去小人投機密贊其決忠樸屏伏。檢校得志曾不為悟公之蔽也。典禮爵刑莫非天理。洪範九疇帝寔錫之。古所謂憲章法度典則者皆此理也。公之所謂法度者豈其然乎。獻納未幾裕陵出諫院既與公評之至簡易之說曰今未可為簡易。修立法度乃所以簡易也。熙寧之改革於是矣。釋此弗論尚何以費辭於其建置之末哉。為政在人取人以身脩

身以道脩道以仁仁人心也。人者政之本也。身者人之本也。心者身之本也。不造其本而從事其末末不可得而治矣。大學不傳古道榛塞其來久矣。隨世而就功名者淵源又出於老氏世之君子天常之厚師尊載籍以輔其質者行於天下隨其分量有所補益然而不究其義不能大有所為其於當時之弊有不能正則依違其間稍加潤飾以幸無禍公方耻斯世不為唐虞其肯安於是乎。蔽於其末而不究其義世之君子未始不與公同而犯害則異者彼依違其間而公取必焉故也。熙寧排公者大抵極詆訾之言而不折之以至理。平者未一二而激者居八九上不足以取信於裕陵下不足以解公之蔽。反以固其意成其事。新法之罪諸君子固分之矣。元祐大臣一切更張豈謂無偏無黨者哉。

可貴乎王者。瑕瑜不相掩也。古之信史，直書其事，是非善惡，靡不畢見。勸懲鑑戒，後世所賴。抑揚損益，以附已好惡，用失情實。小人得以藉口，而激怒，豈所望於君子哉。紹聖之變，寧得而獨委罪於公乎。熙寧之初，公固逆知已說之行人，所不樂。既指為流俗，又斥以小人，反諸賢排公已甚之辭，亦復稱是。兩下相激，事愈戾，而理益不明。元祐諸公，可易轍矣。又益甚之六藝之正，可文姦言。小人附託，何所不至。紹聖用事之人，如彼其傑，新法不作，豈將遂無所窺其巧，以逞其志乎。反復其手，以填崇寧之姦者，寔元祐三館之儲。元祐外，其附麗匪人，自為定策，至造詐以誣首相，則疇昔送容，問學，慷慨陳義，而諸君子之所汲與者，也。格君之學，克知灼見之道，不知自勉，而憂憂於事為之末，以分異人為快使。

小人得間，順投逆送，其致一也。近世學者，雷同一律，發言盈庭，豈善學前輩者哉。公世居臨川，罷政徙於金陵，宣和間，故廬丘墟，鄉貴人屬縣立祠其上，紹興初，常加葺焉。逮今餘四十年，隙地已甚，過者咨嘆，今怪力之祠，繇繇不絕，而公以蓋世之英，絕俗之操，山川炳靈，殆不世有其廟貌，弗嚴邦人，無所致敬，無乃議論之不公，人心之畏疑，使至是耶。郡侯錢公，暮月政成人，用輯和，繕學之既，慨然徹而新之，視舊如壯，為之管鑰，掌於學官，以時祠焉。余初聞之，竊所敬嘆，既又囑記於余，余固悼此學之不講，士心不明，隨聲是非，無所折衷，公為使時，舍人曾公復書切磋，有曰：「是下於今，最能恥於人，以為善，而比聞有相曉者，是下皆不是之，必其理未有以奪是下之見也。」竊不自揆，得從郡侯敬以所聞薦

陸九淵文集
於祠下必公之所樂聞也。淳熙十有五年戊申正月初吉邦人陸某記。
大見識大文字真是絕頂議論却又透入細微。葛端調

○○○本齋記

陸九淵

唐虞之朝禹治水皋陶明刑稷降播種契敷五教益作虞垂作工伯夷
典禮變典樂龍作納言各共其職各效其功以成雍熙之治夫豈常試
為之者哉蓋其所以自信與人之所以信之者皆在其疇昔之所學後
世之為士者鹵莽泛濫口耳之間無不涉獵其實未嘗有一事之知其
至者人才之不足為天下用固無足怪雖然又未可以汎責於天下
天之生斯民也以先知覺後知先覺覺後覺要當有任其責者大學曰
物有本末事有終始知所先後則近道矣原泉混混不舍晝夜盈科而
後進放乎四海有本者如是孟子之言乃知所先後之驗成都郭震醇
仁以本名齋求言於余余嘉其志告以所聞後日當有以觀其驗

陽山

繇此觀之士不素養而求其有用吾未之前聞葛端調

其青

[Faint bleed-through text from the reverse side of the page]

送宜黃何尉序

陸九淵

民○甚○宜○其○尉○甚○不○宜○其○令○吏○甚○宜○其○令○甚○不○宜○其○尉○是○令○尉○之○賢○否○不
 難○知○也○尉○以○是○不○善○於○其○令○令○以○是○不○善○於○其○尉○是○令○尉○之○曲○直○不○難
 知○也○東○陽○何○君○坦○尉○宜○黃○與○其○令○臧○氏○子○不○相○善○其○賢○否○曲○直○益○不○難
 知○者○二○人○之○爭○至○於○有○司○有○司○不○置○白○黑○於○其○間○遂○以○俱○罷○縣○之○民○謂
 臧○之○罪○不○止○於○罷○而○幸○其○去○謂○何○之○故○不○至○於○罷○而○惜○其○去○臧○貪○而○富
 且○自○知○得○罪○於○民○式○造○其○歸○矣○何○廉○而○貧○無○以○振○其○行○李○縣○之○士○民○哀
 其○窮○而○為○之○裹○囊○以○餞○之○思○其○賢○而○為○之○歌○詩○以○送○之○何○之○歸○亦○榮○矣
 比○干○剖○心○惡○來○知○政○子○胥○鳩○夷○宰○詎○謀○國○爵○刑○舛○施○德○業○倒○植○若○此○者
 班○班○見○於○書○傳○今○有○司○以○處○臧○何○之○賢○否○曲○直○者○雖○未○當○乎○人○心○然

送宜黃何尉序一

送宜黃何尉序一

六

揆○之○奸○施○倒○植○之○事○豈○不○遠○哉○况○其○民○心○士○論○有○以○慰○薦○扶○持○如○此○其○
盛○者○乎○何○君○尚○何○憾○魯○士○師○如○柳○下○惠○楚○令○尹○如○子○文○其○平○獄○治○理○之○
善○當○不○可○勝○紀○三○黜○三○已○之○間○其○為○曲○直○多○矣○而○語○益○所○稱○獨○在○於○遺○
佚○不○怨○阨○窮○不○憫○仕○無○喜○色○已○無○愠○色○况○今○天○子○重○明○麗○正○光○輝○日○新○
大○臣○如○德○星○禦○陰○輔○陽○以○却○氛○祲○下○邑○一○尉○悉○力○衛○其○民○以○迓○墨○令○適○
用○吏○文○與○令○俱○罷○是○豈○終○遺○佚○阨○窮○而○已○者○乎○何○君○尚○何○憾○雖○然○何○君○
譽○處○若○此○其○盛○者○臧○氏○子○寔○為○之○也○何○君○之○志○何○君○之○學○遽○可○如○是○而○
已○乎○何○君○是○舉○亦○勇○矣○誠○率○是○勇○以○志○乎○道○進○乎○學○必○居○廣○居○立○正○位○
行○大○道○使○富○貴○不○能○淫○貧○賤○不○能○移○威○武○不○能○屈○此○吾○所○望○於○何○君○者○
不○然○何○君○固○無○憾○吾○將○有○憾○於○何○君○矣○

憤○激○之○懷○愈○淺○愈○刻○勗○勉○之○意○愈○諧○愈○方○文○字○之○味○愈○斂○愈○永○柳○
河○東○集○中○恐○亦○不○能○多○得○日○讀○數○遍○臨○文○當○自○有○深○致○確○去○不○患○題○
枯○意○平○無○聊○以○味○矣○ 葛端調

林○壹○平○無○明○心○和○矣○
可○東○其○中○忍○亦○不○精○矣○
謝○燧○之○射○愈○激○愈○修○而○越○之○意○愈○精○愈○大○之○和○愈○熾○愈○未○

○ ○ 樵說一心學

陸九淵

皇極之建、彝倫之敘、反是則非、終古不易、是極是彝、根乎人心而塞乎天地、居其室、出其言善、則千里之外應之、出其言不善、則千里之外違之、是非之致、其可誣哉、雖然、苗民之弗用靈、當堯之時則然矣、逮舜受終而未有格心、乃竄之於三危、又數十載而禹始受命、爰有祖征之師、夫以堯舜之聖相繼而臨天下、可謂盛矣、蕭韶九成、鳳凰來儀、而蠢茲有苗、侮慢自若、不要諸舜、干七旬之後、而論於其不恭、自賢之日、則違應之理、始無證於此矣、周自后稷積仁脩德、其來遠矣、武王纘太王、王季、文王之緒、以有天下、而商之頑民、乃至三世而弗化、天之所以與人者、豈獨缺於是乎、苗頑之於唐、虞、商、頑之於成、周、可諉曰寡、鄉原夫子

樵說一

所惡也。而人皆悅之。楊墨孟子所闢也。而言者歸之。夫子受徒久矣。而
穎淵獨為好學。其後無疑於夫子之道者。僅有曾子。夫子沒而子夏子
游子張乃欲強之以事。有若自夫子不能喻之。於其徒。曾子不能喻之
於其友。則道之所存亦孤矣。嗚呼。是非之決。於其明不於其暗。衆寡非
所決也。苗民之未格。商民之未化。鄉原之未知其非。楊墨之未歸於儒。
子夏子游子張之徒。未能克已而復禮。彼其私說詖論。可勝聽哉。揆之
至理。則是所謂不善者也。是所謂不明者也。是其所以為非者也。苗民
之格。商民之化。鄉原而知其非。楊墨而歸於儒。子夏子游子張之徒。一
日克已而復禮。則是非之辨。判然明矣。是理之在天下。無間然也。然非
先。知。先。覺。為。之。開。導。則。人。固。未。免。於。暗。故。惟。至。明。而。後。可。以。言。理。學。未

至於明而臆決天下之是非。多見其不知量也。純乎其善。純乎其不善。
夫人而能知之也。人非至聖至愚。時非至泰至否。固有所不純。有所不
純。則其大小本末。輕多重寡。表裏隱顯。始卒久近。劇易幸不幸之變。非
至明誰能辨之。有善於此。至大至重。宜在所師。宜在所尊。而以其有不
善焉。而其善不遂。其事不濟。舉世莫辨。而反以為非。反以為懲。豈不甚
可歎哉。

此篇之意。蓋言人生當孔子既歿之後。雖未能得如孔子者。而師之
然亦貴能自得師而已。至於任師世之責。而以明理為已事者。則未
可不自叩其至明與否。而臆斷天下之是非也。葛端調

Faint vertical text, likely bleed-through from the reverse side of the page.

雜說二 心學

陸九淵

念慮之正不正。在頃刻之間。念慮之不正者。頃刻而知之。即可以正。念慮之正者。頃刻而失之。即是不正。此事皆在其心。書曰：惟聖罔念作狂，惟狂克念作聖。然念之過，有可以形迹指者，有不可以形迹指者。今人有慢侮人之心，則有慢侮之容，慢侮之色，慢侮之言。此可以形迹指者也。又有慢侮人之心，而偽為恭敬容色言語，反若莊重，此則不可以形迹指者也。深情厚貌色，勵而內淫者，是也。可以形迹指者，其淺者也。不可以形迹指者，其深者也。必以形迹觀人，則不足以知人。必以形迹繩人，則不足以救人。非惟念慮之不正者，有著於形迹，有不著於形迹。雖念慮之正者，亦有著，亦有不著，亦有事理之變，而不可以形迹觀者，亦



有善不善雜出者如比干之忠則可見如箕子佯狂微子適周不可謂之不忠如曾子之孝則可見如舜不告而娶不可謂之不孝此是事理之變而不可以形迹觀者如匡章之得罪於其父乃在於責善此是善不善雜出者通國皆稱不孝則便見匡章不得孟子乃見得他善不善處分朋故與之遊又從而禮貌之常人不能知此等處又未足論世固

川先生是也

可見聖賢知人百不失一者只是悉理盡耳常人不能致知以盡事物之理則好而不知其惡惡而不知其美而岸然自以為無誤者亦其勢之自然而非有所強也

葛端調

○○○雜說三 心學

陸九淵

堯舜文王孔子四聖人聖之盛者也二典之形容堯舜詩書之形容堯舜王論語中庸之形容孔子辭各不同誠使聖人者並時而生同堂而學同朝而用其氣稟德性所造所養亦豈能盡同至其同者則禹益湯武亦同也夫子之門惟顏魯得其傳以顏子之賢夫子猶曰未見其止蓋子曰具體而微魯子則又不敢望顏子然顏魯之道固與聖人同也非特顏魯與聖人同雖其他門弟子亦固有與聖人同者不獨當時之門弟子雖後世之賢固亦有與聖人同者非獨士大夫之明有與聖人同者雖田畝之人良心之不泯發見於事親從兄應事接物之際亦固有與聖人同者指其同者而言之則不容強異然道之廣大悉備悠久不惑

陸九淵文集

雜說三一

七

而人之得於道者有多寡。久暫之殊。而長短之代。勝得失之互。居此。大廣狹。淺深。高卑。優劣之所。從分。而流輩等級之所。繇辨也。先生兄弟將與晦菴東萊會講。鵝湖欲先叅合其所見。時子壽有孩提。知愛長知欽古聖相傳。只此心之句。先生辨其非。是有墟墓生哀。宗廟欽斯人。千古不磨心之句。子壽大歎服。此文即其註脚也。調端

○ ○ ○ 白鹿洞書院講義

陸九淵

其雖少服父兄師友之訓。不敢自棄。而頑鈍疎拙。學不加進。每懷愧惕。恐卒負其初心。方將求鍼砭。磨於四方師友。冀獲開發。以免罪戾。比來得從郡侯秘書至白鹿書堂。羣賢畢集。瞻睹盛觀。竊自慶幸。秘書先生教授。先生不察其愚。今登講席。以吐所聞。願惟庸虛。何敢當此。辭避再三。不得所請。取論語中一章。陳平日之所感。以應嘉命。亦幸有以教之。子曰。君子喻於義。小人喻於利。此章以義利判君子小人。辭旨曉白。然讀之者。苟不切已。觀省亦恐未能有益也。其平日讀此。不無所感。竊謂學者於此。當辯其志。人之所喻。繇其所習。所習繇其所志。志乎義。則所習者必在於義。所習在

義斯逾於義矣。志乎利則所習者必在於利。所習在利。斯逾於利矣。故學者之志不可不辯也。科舉取士久矣。名儒鉅公皆繇此出。今為士者固不能免此。然場屋之得失。視其技與有司好惡如何耳。非所以為君子小人之辯也。而今世以此相尚。使汨沒於此而不能自拔。則終日從事者。雖曰聖賢之書。而要其志之所嚮。則有與聖賢背而馳者矣。推而上之。則又惟官資崇卑。祿廩厚薄。是計。豈能悉心力於國事。民隱以無負於任使之者哉。從事其間。更歷之多。講習之熟。安得不有所喻。顧恐不在於義耳。誠能深思。是身不可使之為小人之歸。其於利欲之習。恒為之痛心疾首。專志乎義。而日勉焉。博學審問。謹思明辯。而篤行之。繇是而進於場屋。其文必皆道其平日之學。

胸中之蘊。而不詭於聖人。繇是而仕。必皆共其職。勤其事。心乎國心乎民。而不為身計。其得不謂之君子乎。秘書先生起廢以新斯堂。其意篤矣。凡至斯堂者。必不殊志。願與諸君勉之以毋負其志。

淳熙甲午春二月。陸兄子靜來自金谿。其徒朱克家陸麟之周浩。叟熊鑑。洛謙亨胥訓。實送十日丁亥。熹率寮友諸生與俱。至於白鹿書院。請得一言以警學者。子靜既不鄙而惠許之。至其所以發明敷暢。則又懇到明白。而皆有以切中學者隱微深痼之病。蓋聽者莫不悚然動心焉。熹猶懼其久而或忘之也。復請于靜筆之於簡。而受箴之。凡我同志。於此反身而深察之。則庶乎其可不迷於入德之方矣。新安朱熹識。



如此新裁深透。聞其風者。猶當動心發魄。况於當日親炙之者乎。嗚呼。講學不興。士氣之激昂。人才之輩出。未有期也。夫明王之制州縣。必有學。意豈不至。法豈不周。然至今日。而亦有不可恃為作新之本者矣。有世教之責。而復切生民之痛者。其必知之。焉端調。

策問一

陸九淵

問語有之曰。人之相去。如九牛一毛。或者疑其言之過。晉人有解之者曰。巢許遜天下。而市道小人爭半錢之利。此其相去何啻九牛一毛哉。其言誠辯矣。然嘗病其意之未廣。先儒論人之量。曰有天地之量。有江海之量。有鐘鼎之量。有斗筲之量。其意廣矣。而嘗嘆乎言之難備。生乎天地之間。具人之形體。均之為人。也。品類差等。何其若是之相遠絕哉。今夫天下之俗。固不可以言古。然蒙被先王之澤。士之求堯舜孔子之道者。日衆。而儒宮學館之間。有父兄之所教。有師友之所講磨。而考其所向。則有常人之所恥者。此其與求堯舜孔子之道。而期於必至。何啻九牛一毛哉。二三子各悉究其日履之所。鄉嘗試相與共評斯語。毋徒為揚屋。

課試之文。試言人之所以相去。若是遠絕者何故。已之氣質。已之趨鄉。當在何地。今日之用心。今日之致力者。其寔何如。將有所攸焉。此等策問。亦不似場屋課試之作。葛端調

○○○策問二

陸九淵

問。齊欲稱東帝。鄒魯之臣。妾肯死而不肯從之。秦欲稱西帝。齊仲連肯死而不肯從之。夫以齊秦之強力。以帝天下。而卒沮於匹夫之一辭。固國不以山谿之險。威天下不以兵革之利。孟子之言。於是信矣。西漢不崇禮義。好言時宜。林孫通。陸賈之徒。號稱以儒見用。綜其實。殆未有以殊於奇謀秘計之士也。高祖寬大長者之稱。見於起兵之日。惟恐沛公不為秦王。則長安之民。所以愛戴之者。亦可謂深且素矣。繼以文景之仁愛。武宣之政令。所以維持之者。亦後世所鮮儼。元成哀平。雖浸以微弱。亦非有暴鷲淫虐之行。然區區新莽。舉漢鼎而移之。若振槁葉。天下懾然。莫之敢爭。東都之興。光武之度。不洪於高祖。明帝之察慧。有愧

於文景多矣。章帝之仁柔。殆伯仲於元成之間。自是而降。無足譏矣。然
綿紀埒於西漢。以曹操之強。其所自致者。不後於高光。然終其身不敢
去臣位。視天下有孔北海。如孺子之有嚴師。傳。凜然於凡席之上。而不
敢肆也。推其所自。則尊禮卓茂。以為太傅。投戈講藝。息馬論道。講論經
理。夜分乃寐。始末可以文具而厚非之也。於身於家於國於天下。初不
可以二理觀。二三子盍自其身而觀之。以及於家於國於天下。而備論
夫固國不以山谿之險。威天下不以兵革之利。有道之世。士傳言
庶人謗於道。商旅議於市。皆朝廷之所樂聞。而非所禁也。有能究唐虞
三代之政。論兩漢之得失。以及乎當世之務者。其悉書之。毋隱
轉折高妙。文情跌宕甚出。 首端調

程文

陸九淵

○庸言之信。庸行之謹。閑邪存其誠。善世而不伐。德博而化。解試
知所以成已。而無非僻之侵。則誠之在已者。不期而自存。知所以成物
而無驕盈之累。則德之及物者。不期而自化。乾之九二。何其誠之至。而
德之博也。庸言之必信。庸行之必謹。是知所以成已矣。知所以成已。則
誠豈有外乎此哉。又懼夫邪之為吾害。而閑之也。嚴使無一毫非僻之
習。以侵之。則誠日益至。而在已者。不期存而自存矣。反而誠其身。推以
善斯世。是知所以成物矣。知所以成物。則德豈有外乎此哉。人懼夫伐
之為吾病。而去之也。盡使無一毫驕盈之氣。以累之。則德日益博。而及
物者。不期化而自化矣。誠之在已者。不期存而自存。而其端特在於閑

程文一

七七

不伐德博而化此所以為君德歟中庸之言誠曰非自成已而已也所以成物也然則成已成物一出於誠彼其所以成已者乃其所以成物者也非於成已之外復有所謂成物也又曰性之德也合內外之道也然則曰誠曰德一本乎性彼其所謂誠者乃其所以為德者也非於誠之外復有所謂德也明乎中庸之說則乾九二之君德可得而議矣言之信謹二之所以成已者也善世而不伐二之所以成物者也彼其所謂信謹者乃其所以不伐者也舍言行而求其所以善世者則乖矣閑邪存其誠誠之存諸已者也德博而化德之及乎物者也彼其所以

閑而存者乃其所以博而化者也外乎誠之存而求其所謂德之情則惑矣若夫朝謀夕訪求所以治乎人而不知反求諸其身安知夫大人正已而物正而二之善世者特在乎言行之間而已也小惠小信欲以為已之德而不知誠之不可掩安知夫明明德於天下者蓋本於止心誠意而二之德博者繇乎其誠之存也至矣哉誠之在天下也一言之細一行之微固常人之所忽然言出乎身加乎民行發乎迥見乎遠言行君子之所以動天地也君子喘言蠕動皆足法造次顛沛必於是庸言之信而莫不可以為天下則庸行之謹而莫不可以為天下法知至乎吾之誠而不知夫言之細也然邪之與正猶明魄之相為生死陰陽之相為消長非僻之習一毫焉侵之則言隨以不信而行隨以不謹

矣。尚何有於誠之。至。故為冠以莊其首。為履以重其足。在車聞和鸞之音。行步聞珮玉之聲。盤盂有銘。几杖有戒。所以防閑其邪。而使非僻無自而至者。備矣。則凡見乎吾身。而充乎天地者。何往而非誠哉。茲不曰不期而自存者乎。大矣哉。德之見於天下也。推吾所有。兼善天下。此固人之所甚欲。然有諸已而後求諸人。無諸已而後非諸人。所藏乎身。不怒而能喻諸人者。未之有也。故君子正身以正四方。脩己以安百姓。且日麗必照物。雲濃必雨。苗和順積中。英華發外。極吾之善。斯足以善天下矣。然伐之害德。猶木之有蠹。苗之有螟。驕盈之氣。一毫焉間之。則善隨以喪。而害旋至矣。尚何有於德之博。故有馬而若無。實馬而若虛。功贊化育。而不居。智協天地。而若愚。消彼人欲。而天馬與徒。謙冲不伐。而

使驕盈之氣無自而作。則凡不言而信。不怒而威者。乃所以為德也。茲不曰不期而自化者乎。嗚呼。繇乎言行之細。而至於善世。繇乎已之誠存。而至於民之化德。則經綸天下之大經者。信乎其在於至誠。而知者誠者。信乎非聰明睿知。達天德者。有不能也。以經攷之。乾之六爻。隱而未見。行之未成者。初之潛也。貴而無位。高而無民者。上之亢也。三則以危而進德。四則以疑而自試。惟五以飛龍在天。而二以見龍在田。皆有利見大人之美。夫君位既已在五。則夫君德者。非人之龍德。而正中其孰足以當之。聖人於是發成已成物之道。存誠博德之要。使後之人。君能明聖人之言。以全九二之德。則天下有不足為矣。切嘗稽之於舜。好問而好察。適言隱惡而揚善。則庸言之信。庸行之謹。為如何。納伯益。微

戒之辭則固有意諱。詳伯禹股肱之命則使之弼達。關邪存誠。可見於此矣。魏巍乎有天下而不與。則善世不伐。為如何。攷其民之心。則天下同戴。稽其民之俗。則比屋可封。德博而化。可見於此矣。九二之德。大舜其盡之矣。說易者以為九二之交。蓋舜之田漁時也。今槩以為帝之事。可乎。曰。以位而言。則田漁時也。以德而言。則夫子匹夫也。或曰。祖述堯舜。或曰。賢於堯舜。孰謂乾之九二而不足。以言舜乎。不然。則何以謂之君德。

有令有合。有伏有繳。此宛然八股業矣。嗚呼。安得此浩衍之氣。明淨之觀。常留天地間乎。志於古者。幸一平心對之。葛端調。

○使民宜之

陸九淵

鳥。不可使。知吾道之義。而可使享吾道之宜。使道而不宜於天下。則雖人亦鳥。取乎道哉。聖人出而有為於天下。變而通之神。而化之。而天下之民。鼓舞湧躍。莫不以為宜而安之者。亦盡其道而已矣。大傳曰。使民宜之。以此。夫子曰。民可使。繇之。不可使。知之。非聖人。固不使之知也。若道之義。則彼民之愚。蓋有所不能知也。若乃其道之宜。則聖人固與天下之民。共繇而共享之。方民未知。佃漁也。聖人作為網罟。而民宜於網罟矣。方民未知。畊稼也。聖人作為耒耜。而民宜於耒耜矣。以至舟楫。矢杵。曰。莫不皆宜於民。雖其以象以義。取諸離益之諸卦。而其所以使民宜之者。蓋無以異於黃帝堯舜之乾坤也。當黃帝堯舜氏之作。其備

制用立成器以為天下利者前聖已備之矣故其使民繇之者獨見於垂裳之治黃帝之事於六藝無所攷信而堯舜之事則戴之典謨彰彰可攷如明五刑典三禮疏江河驅布豹凡建法立制都俞咨詢以宜其民者蓋不為少矣而夫子特稱其蕩蕩無名無為而治則其所以宜之者一出於道而已故曰堯以是傳之舜

太羹玄酒必不盛以鍤漆之器讀此不啻置身羲黃以上 葛端誠

○首出庶物萬國咸寧

陸九淵

聖人有兼覆之道天下無難辨之功庶物之多萬國之衆聖人欲首出而使之咸寧可謂難辨之功矣然聖人體兼覆之乾以是首出庶物則萬國咸寧不足多也首出庶物萬國咸寧聖人所以得乾元之用固大矣非天下之所得而易言也大而言之何物而不備何所而不該然品物之形既流洪纖高下毫釐之間而各有所宜六位之成則潛見飛躍其道各異欲體是道以首庶物而寧萬國非夫學之超乎天下之上吾未見其能也方其潛也隱而未見行而未成則學固不可以已也及見而在田則庸言之信庸行之謹閑邪存誠是學果可以已乎三之厲四之疑固進德脩業不可懈也至於五之與天地合德上而知進退存

已而不失其正。非學果何以致之。首出庶物。蓋在於乘六龍。而聖人於
乾之六位。莫不反復乎學。使其學能超乎天下之上。則天下有不乏為
而萬國咸寧。信乎其不足多也。用九之辭曰。天德不可為首。而乃以首
出庶物。何耶。嗚呼。不為首。蓋所以首出庶物。而愚所以謂不可以無學
者也。

時解於此章之義。分按四德。以天地聖人相承而講。不知易道自無
所不通。豈必章句所能限也。如此雄高樸茂之着。安可以其悖於制
而廢之耶。葛端調

○孝○又○大○功○數○十○論
○頌○人○之○美○者○必○增○重○乎○其○人○頌○人○之○美○而○不○足○以○增○重○乎○其○人○則○其○非
○為○無○疑○矣○立○言○之○非○者○必○貽○譏○於○後○世○立○言○之○非○而○不○足○以○貽○譏○於○後
○世○則○其○非○又○有○大○焉○者○矣○孝○文○漢○之○賢○君○也○晁○錯○大○廷○之○對○枚○數○其○興
○利○除○害○變○法○易○故○之○事○而○此○之○曰○大○功○數○十○其○美○亦○已○至○矣○其○言○亦○已
○夸○矣○而○後○世○稱○文○帝○之○賢○者○初○不○以○斯○言○而○增○重○蓋○文○帝○以○直○言○極○諫
○求○人○而○錯○亦○以○直○言○極○諫○充○詔○不○聞○條○疏○闕○失○補○帝○不○逮○而○猥○用○稱○述
○功○烈○其○辭○諄○復○駁○乎○佞○譽○誣○諛○之○風○勞○於○附○會○粉○飾○而○無○中○情○當○理
○之○實○其○非○無○足○疑○矣○然○自○昔○公○明○通○方○之○士○於○錯○之○對○未○嘗○深○致○意○於
○斯○言○非○以○為○然○而○或○取○之○也○蓋○以○其○言○之○非○有○大○過○於○是○者○而○不○必○以

陸九淵

孝文大功數十論一

全

斯言輕重之也。君子一言以為智，一言以為不智，此一言之失者也。若
 錯之對，無非遷就牽合之說。如五帝三王五伯之說，一篇之襟領而恃
 理尤甚，要其歸，獨欲以自親事一說，勸帝而又大乖乎帝王之道。此孝
 文大功數十之說，宜昔人之無機焉耳。雖然，言心聲也，錯以大廷對策
 豈徒為是繆矣，不根之說以塞詔而已耶。蓋其刑名慘刻之學，深欲其
 若廢放肢肱之臣，身履叢脞之任，智僉力竭，欲已不可欲進，不能則勢
 必委之於我，而我之辯智得伸焉。其機如此，則亦不得不盛稱其功烈，
 能事以聳動其欲為之心，激發其敢為之氣，使之樂吾之說而不自知
 焉。然則大功數十之說，豈可謂之不足輕重而置之乎。孟子曰：長若之
 惡，其罪小；逢君之惡，其罪大。錯之斯言，其逢君之惡者矣。為錯解者曰：

前曲註此正新得休

將順其美，亦事君之道。而何過之深乎。嗚呼！不知言，無以知人也。彼其
 終身之所學，平日之所存，發之於言者，雖欲掩匿蔽覆，繇君子觀之，如
 見其肺肝，况其處心積慮，旁求曲取，以附致其邪說，而有所不知，則不
 可謂之知言者矣。說春秋者以為言之重，辭之複，其中必有大義。惡焉，
 聖人之情猶可以辭見，蓋聖愚邪正雖異，而情見乎辭，則同。目動言肆，
 懼我之情見矣。幣重言甘，誘我之情見矣。錯述文帝之功，其目數十如
 躬親本事，廢去滌末，農民不租，親畊節用，示民不奢，此五者特一事也。
 如絕秦之迹，除苛解燒，寬大愛人，內刑不用，罪人不孥，誹謗不治，除去
 陰刑，此七者亦一事也。其餘事同而條異者，亦又有之。號之以大功，凡
 之以數十，則其意亦可見矣。蓋將以夸許聳動文帝之心，而作其自任

之意接之膠擾之地陰拱以窺其困而乘其隙以申辯智焉肇端於文
帝之日而遂申於景帝之朝卒然謹於七國之變而山東幾非漢有表
盡從容一說而要領竟分於東市世莫不有諛忌之惜而愚獨喜其少
足以正逢君之罪

筆力之深勁可透十重鎧甲明允諸史論不得專美於前矣○錯之
學術行事大似韓非此文得之可稱沉快葛端調

○天地之性人為貴論

陸九淵

聖人所以曉天下者甚至天下所以聽聖人者甚矣○人生天地之間稟
陰陽之和抱五行之秀其為貴孰得而加焉○使能因其本然全其固有
則所謂貴者固自有之自知之自享之而奚以聖人之言為惟夫陷溺
於物欲而不能自拔則其所貴者類出於利欲而良貴繇是以寢微○聖
人憫焉告之以天地之性人為貴則所以曉之者亦甚至矣○誦其書聽
其言乃類不能惕焉有所感發獨膠膠乎辭說議論之間則其所以聽
之者不既蕪矣乎天地之性人為貴吾甚感夫聖人所以曉人者至而
人之聽之者蕪也○孟子言知天必曰知其性則知天矣言事天必曰養
其性所以事天也○中庸言贊天地之化育而必本之能盡其性人之形

體與天地甚藪而孟子中庸則云然者。豈固為是闊誕以欺天下哉。誠以吾一性之外無餘理。能盡其性者。雖欲自異於天地。有不可得也。自天子告曾子以孝。曰事父孝。故事天明。事母孝。故事地察。舉所以事天地者而必之於事父母之間。蓋至此益切而益明。截然無辭說議論之。孩徑至因其有無。以加於孝乎之間。又告之以天地之性。人為貴。有篤敬之心。踐履之實者。聽斯言也。獨不有感於心乎。於此而猶膠膠於辭說議論之間。亦奚啻不以三隅反者哉。雖然。愚豈敢以是彈責天下。獨以為古之性說約而性之存焉者類多。後之性說費而性之存焉者類寡。告子湍水之論。君子之所必辯。荀卿性惡之說。君子之所甚疾。然告子之不動心。實先於孟子。荀卿之論。絲禮。絲血氣。智慮。容貌。態度之間。

推而及於天下國家。其論甚美。要非有篤敬之心。有踐履之實者。未易至乎此也。今而未有篤敬之心。踐履之實。拾孟子性善之遺說。與夫近世先達之緒言。以盜名干澤者。豈可與二子同日道哉。故必有二子之質。而學失其道。此君子之所宜力辯深詆。挽將傾之轅於九折之坂。指迷塗而示之歸也。若夫未有篤敬之心。踐履之實。而處為之廣。性命之說。愚切以為病而已耳。嗚呼。循頂至踵。皆父母之遺體。俯仰乎天地之間。惕然朝夕。求寡乎愧怍。而懼弗能。儻可以庶幾於孟子之塞乎天地。而與聞吾夫子人為貴之說乎。言高意固切。不患其寡。廓也。葛瑞珣

智考術之原論

陸九淵

實亡莫甚於名之尊道弊莫甚於說之詳。自學之不明人爭售其私術。而智之名益尊說益詳矣。且誰獨無是非之心哉。聖人之智非有奇策卓異不可知者也。直先得人心之同然耳。其見於施設則合物理稱事情。犁然當乎人心。夫婦之愚可以與知焉。奚名之尊。奚說之詳哉。逮夫智失而私術興。則向之良心日馳。騫乎詭譎姦詐之場。實不足以欺天下也。將竊智者之名以售其說。故名不得不尊。名不可以徒尊也。將文近似之說以實其名。故說不得不詳。名尊說詳而智之實益亡。弊益甚矣。此則智之賊也。漢公孫弘謂智者術之原。其賊智之誅固不可寢。而愚又幸智之說繇是而益明也。世之罪弘者常以其飯脫粟為布被殺。

主父偃徒董仲舒膠西此雖其挾術之明驗而特一人之過一時之害
而常情之所易知者多詐不情汲黯能詰其不忠外寬內深班固能知
其意思蓋有不足深誅者至於竊智之名以售已之術要之以利害之
效文之以近似之辭使聽之者誠以為治天下不可以無術而聖人之
智亦不過如此而已此吾所謂智之賊而不可道之誅也然墨之賊仁
楊之賊義鄉原之賊德皆以近似之亂真其罪正與弘之言智等耳及
孟子辭而闢之而曰仁曰義曰德絲楊墨鄉原而其說蓋明有能因弘
說而闢之使天下曉然知夫私術之賊智則弘之說亦智之幸也弘之
說曰擅殺生之柄通壅塞之塗權輕重之數論得失之迹使遠近情偽
畢見於上謂之術此所謂要之以利害之效文之以近似之辭使聽之

者誠以為聖人之智亦不過如此而已也且聖人之智明徹洞達無一
毫私意芥蒂於其間其於是非利害不啻如權之於輕重度之於長短
鑑之於妍醜有不加思而得之者故其處大疑定大論亦若饑食渴飲
夏葛冬裘焉已耳雖酬酢萬變無非因其固然行其所無事有不加毫
末於其間者夫如是可謂之術乎果必若弘之說乎鑠金為刃凝土為
器為網罟為耒耜為宮室棺槨為舟車弧矢杵臼之利此皆上世之所
無有創物以教天下者也而夫子則以為皆取諸易之卦畫是聖人之
智見於創立者猶皆因其固然而無容私焉况於生殺通塞輕重得失
之常而弘欲以其私術為之乎語稱舜禹之有天下而不與焉詩稱文
王不識不知順帝之則夫生殺通塞輕重得失之理昔非有異於今也

必欲以私術為之。則舜禹文王誠不公孫氏若也。自學之不明。而聖人之智不復見矣。世之人往往以謂凡所以經綸天下。創立法制。致利成順。應變不窮者。皆聖人之所自為。而不知夫蓋因其固然。行其所無事。而未嘗加毫末於其間。彼後後者。方且各以其私術求逞於天下。而曰此聖人之所謂智也。故老氏出於春秋。而有棄智之說。孟子生於戰國。而有惡鑿之言。是皆見夫逞私術之失也。然終至於縱橫如儀秦。刑名如鞅斯者。襍然四出。而天下遂以分裂潰散。至秦則熾然矣。公孫氏生於漢。而以儒名當世。此溺待極。焚待救之時也。乃復尊智之名。詳智之說。以售其私術。世之人雖欲聞先王之智。孰從而聽之。故曰智之賊也。孟子者。聖學之所繇傳也。故其言發明聖人之智。而指當時所謂智者。

以為鑿老氏者。得其一。不得其二。而聖學之異端也。故幸夫私術之失。固欲申己之學。而其言則曰。絕聖棄智。又曰。以知治國。國之賊。是直泛舉智而排之。世之君子常病其污吾道。而不知其皆售私術者之過也。使術之說破。則為老氏者。將失其口實。而奔走吾門。嚮之不暇。其又何汚焉。嗚呼。觀老氏之說。孟子之言。與儀秦鞅斯之所為。則術之害智。所從來久矣。非直至漢而然也。然昔之為私術者。名未甚尊。說未甚詳。故辯之者不力。罪之者不深。若孟子者。不過曰。行其所無事。惡夫鑿而已。至於公孫氏。以黠中辯。吻發策人主之前。陳智之名。益尊而術之說甚詳。不明於道者。有不能不為其疑似所惑。故辯之不得不力。罪之不得不深。辨之力。罪之深。而智之說不明者。不也。故曰。弘之說亦智之幸。

智者術之原論三

六

深古山筆可得善辯 葛端調

○○房杜謀斷如何論

陸九淵

事○之○要○者○無○二○機○計○之○得○者○無○二○說○然○而○得○於○積○思○者○其○意○疑○得○於○忽○
悟○者○其○意○決○此○謀○之○與○斷○所○以○異○任○而○同○功○殊○稱○而○一○致○者○也○天○下○之○
事○惟○其○要○而○難○處○也○於○是○乎○有○賴○於○謀○彼○其○以○善○謀○稱○而○不○足○與○斷○者○
豈○無○得○於○其○機○而○嘗○試○為○之○說○也○哉○顧○特○以○其○旁○推○曲○考○原○始○要○終○
縷○復○熟○而○得○之○則○謹○重○之○心○勝○而○剛○決○之○意○微○故○不○能○不○自○疑○其○有○所○
未○善○至○於○善○斷○者○因○其○謀○而○遂○斷○之○其○始○之○為○謀○雖○不○出○於○已○而○亦○豈○
無○得○乎○其○心○而○徒○徇○人○之○說○以○勇○於○必○行○而○已○哉○蓋○其○權○奇○倜○儻○方○鬱○
於○紬○繹○復○熟○之○久○而○聞○言○輒○契○觀○機○忽○悟○如○雷○蟄○而○忽○驚○日○曠○而○忽○明○
其○勢○不○能○不○決○然○則○謀○之○與○斷○雖○所○任○各○異○所○稱○各○殊○而○要○其○實○豈○不○

房杜謀斷如何論

房杜謀斷如何論一

完

同功而一致也哉。唐房杜佐太宗取天下，而史稱元齡善謀，如晦長於斷。愚請以是而論之，甚哉機事之可畏，而謀斷之任不可以非其人也。嘗觀漢高祖聽酈生之謀，刺印立六國，後高祖方食，以告張良，良借前箸，籌之高祖，至輟飯吐哺，怒罵令趣銷印，石勒去高祖五六百載，如虜之身，據有中原，初不知書，一旦聽讀漢史，至刺印事，駭曰：此法當失，何以得天下？及讀至張良之籌，乃曰：賴有此人。嗚呼！使酈生佩印已行，數舍之遠，則高祖之天下，我已去矣。知天下之機事，率如是之可畏，而張良之籌，高祖之罵石勒之駭，皆機緘互發，如聲響相應，非直偶然而已。則知凡所謂謀者，斷者，皆不可以或非其人，而房杜之才，智可得而論之矣。雖然，元齡謀事，帝不必曰：非如晦，莫與籌之。及如晦至，則卒用

元齡策，自常情觀之，元齡不失為謙抑謹重，而如晦則為無謀，而因成事者耳。嗚呼！以此論房杜，此與兒童之見何異？奕秋中枰而輟奕，少下於奕秋者，必不能以舉其碁矣。王良中道而弭輿，少下於王良者，必不能以振其策矣。天下之機事，而可以非其人，而與於其間哉？或謀或斷，必其機緘識畧之相符者，而後可也。韓信破趙之後，發使使燕，而燕人從風而靡，其策乃不出於韓信，而出於李左車。然天下不以韓信為不知兵，鄒陽受梁之謝，入見王長君，而梁罪竟解，其計乃不出於鄒陽，而出於王先生。然天下不以鄒陽為非辯士，蓋因其善而用之，與夫發悟於心者，實機緘識畧之相符，而非苟從之者也。知此，則知房杜之謀，斷如宮商之相應，而同於成聲，如斤斧之迭用，而同於成器，初不可以



差殊觀而優劣論也。抑嘗言之。太宗以弓矢定天下。其智畧之出於已者。班班見於紀傳。大馬制勝千里之外。小馬決機兩陣之間。超逸神變。不可窮極。又天下既定。談治道。論政理。則老師宿儒。詘其辯。此亦難乎其為臣矣。然而自渭北一見之初。秦府表留之後。謀必於房。斷必於杜。則夫二公之才智。豈淺淺者所得而窺議哉。及考之傳紀。則夫謀斷之迹。有不可得而見焉。嗚呼。此二公之才智。所以為不可及歟。史臣取柳芳之言曰。帝定禍亂。而房杜不言功。王魏善諫。而房杜避其直。其善兵而房杜濟以文。此真足以知房杜謀斷之本矣。若乃謀之不善。而強欲以辯屈人之異已。如徐湛之於沈慶之者。又有嫉其謀之善。而必為沮格撓敗之計。如牛僧孺之於李德裕者。其視房杜之謀斷。奚啻天淵之別。遼哉。雖然。法律之書。詳而望之以禮樂。則缺。功利之意。篤而察之以道義。則疎。此雖不足以是責之。而亦不能不使人歎息也。

千古絕論。知此義者。方可集思廣益。於朝廷之上。真大儒忠愛誠悃之言。葛端調。

卷之三

劉晏知取子論

陸九淵

天下之事不兩得。知其說者斯兩得之矣。取子之說。事之不兩得焉者。也。民有餘而取。國有餘而予。此夫人而能知之者也。至於國之匱。方有待乎吾之取。而濟民之困。方有待乎吾之與。而蘇當是時。預國之匱。而取之乎。必不恤民焉。而後可也。預民之困。而予之乎。必不恤國焉。而後可也。事之不兩得。孰有甚於此哉。使終於不兩得。則終無一得焉。爾矣。故取子之說。不可謂易知也。取而傷民。非知取者也。予而傷國。非知予者也。操開闔。歛散之權。揔多寡。盈縮之數。振弊舉廢。挹盈注虛。索之於人之所不見。圖之於人之所不慮。取焉而不傷民。予焉而不傷國。豈夫人而能知之者哉。必有其才。而後知其說也。非唐之劉晏。吾誰與歸。史

劉晏知取子論

九三

夫以知取子許之真知憂者哉夫所病夫取子之難者非一不足之難而皆不足之難也下有餘而取之可也彼方不足也而何以取之上有餘而予之可也此方不足也而何以予之天下有皆不足之病矣而有皆不足之理乎聞之曰川竭而谷盈丘夷而淵實天下蓋未始皆不足也方其上之不足也不必求之下也其可以足之者固有存乎其上焉者矣下之不足也不必求之上也其可以足之者固有存乎其下焉者矣將輸之利害不明則費廣於舟車之徑儲藏之利害不悉則公困於腐蠹之弊物苦道遠則尋以輸尺斛以輸斗吏汙法弊則私良公害私盈公虛此所謂不必求之下焉者也富賈乘急而騰息豪民困弱而兼并貪胥旁公而侵漁繩甕不立而連阡陌者猶未已也糟糠不厭而餘

芻豢者猶爭侈也此所謂不必求之上焉者也繇是言之有餘不足之數可得而見而取予之說可得而知也然狃於常者變之則駭便於私者奪之則爭黨繁執厚則杆格而難勝謀工計深則詭秘而不可察國利而害愈繁趨省而費益廣則夫天下之才果不易得而取予之說果不易知也支左屈右夫射者舉知之也至於中秋毫於百步之外左右前後惟的之從知之者惟后羿而已攬轡執策夫御者舉知之也至於致六馬於千里之遠周旋曲折惟意所適知之者惟造父而已國不足而取民不足而予夫人而能知之也至於取不傷民予不傷國知之者惟晏而已利病具於元載之書而轉漕之說詳鼓吹出於東渭之橋而轉漕之功著補辟之選精也干請者寧奉以廩入故趨督倚辨而功成

劉晏知取予論二

教令之出嚴也。數千里無異於目前。至頻呻諧戲不敢隱。鹽法家於第
 五琦而地無遺。入鼓鑄興於淮楚間。而貨有餘。緣彼其所以取之者。豈
 盡出乎下哉。是以取之而民不傷。駛足募而商賈不狎。糶價之低昂。
 賑救行而豪植不得乘。細民之困溺。簡核出內一。無所竄。
 巧督漕主驛一出之官。而民得以息。肩無名之歛。雖羅而監。權實行米
 粟之賑。雖出而襍。貨則入彼其所以予之者。豈盡出乎上哉。是以予之
 而國不乏。嗚呼。創殘之餘。而嚮敵之甲未解也。飢疫之後。而饋車之輸
 未艾也。上方宵旰而民且囂囂。而晏也。遑遑於其間。深計密畫。推義補
 闕。國不增後。而民力紓。民不加賦。而國用足。非夫知取予之說。妙取予
 之術。疇克濟哉。若夫頭會箕歛。剝膚椎髓。疲民力而激便漕之功。於難

成之渠。捨吏欺而責負。逋之租。於已輸之民。竭下以益上。困民以悅君。
 此則韋堅王鉷楊國忠之倫。無恥敗國甘處乎晏之下。而人皆憤焉者。
 也。至於談仁義。述禮樂。既古人之文。而不既古人之實。大言侈說。而不
 適於用。如裴光庭之暴。宇文融之惡。而不能任國用。不足之責。房琯知
 惡第五琦而不能對。何所取財之問。此則不知堯舜孔孟之學。雖自處
 不在晏之下。而天下皆笑之者也。甘處乎下者。如彼。欲出乎上者。如此。
 則夫知取予者。非晏之與。而誰與也。雖然。論之以聖人之道。照之以君
 子之智。則堅鉷國忠。雖晏所不為。而愚恐其有時。而同科瑄光庭。雖不
 足以詆晏。而愚恐晏未免於可詆。何則。晏之取予。出於才。而不出於學。
 根乎術。而不根乎道。出於才。而根於術。則世主之忠臣。而聖君之罪人。

也。上有道揆而責以有司之事焉。可也。人君悅而尊寵之。鮮有不弊焉。者也。易之理財。周官之制國。用孟子之正經界。其取不傷民。予不傷國者。未始不與晏同。而網條法度。使官有所守。民有所賴。致天下之大利。而人知有義。而不知有利。此則與晏異。故曰。出於才而不出於學。根於術而不根於道。晏之治財。未能過管商氏。仲尼之門。五尺童子。羞稱管商。曾西之不為。孟子之不顧。至於商君。則後世篤論以為帝。秦者商君也。而亡秦者亦商君也。今晏之所為。如茗橘珍貢。常冠諸府。要官華使。多出其門。畏權貴而稟其人。嘿其口而啖以利。為國家者。亦何利於此哉。使不死於楊炎之擠。則其污身敗國者。將不止此人。莫不以楊炎之擠為晏惜。而愚獨以為晏之幸。故曰。論之以聖人之道。則晏之

智蓋未免於可詆。亦未必不與堅鉅國忠等同科。雖然。才之難也久矣。道不稽諸堯舜。學無窺於孔孟。毋徒為侈說以輕議焉。可也。

讀史不熟。心計不精者。不能道一字。葛端調

命皋陶以明五刑然其命之之辭曰以弼五教期於無刑皋陶受士師
之任固以詰姦慝刑暴亂為事也然其復於舜者曰御衆以寬曰罰弗
及嗣曰罪疑惟輕曰與其殺不辜寧失不經好生之德洽於民心茲用
不犯於有司嗚呼此吾所謂君之心而政之本也而可以猛云乎哉寬
濫之說古無有也特出於左氏載子產告子太叔之辭又有寬以濟猛
猛以濟寬之說而託以為夫子之言嗚呼是非孔子之言也且其辭曰
大寬則民慢慢則糾之以猛猛則民殘殘則施之以寬使人君之為政
寬以濟猛而寬而其為之民者慢而殘殘而慢則亦非人之所願矣嗚
呼是非夫子之言也語載夫子之形容曰威而不猛書數義和之深曰
威而不猛次記載夫子之言曰苛政猛於虎也故曰猛者惡辭也非美辭

也是豈獨非所先而已耶是不可一日而有之者也故曰可以
不可以先後言也左氏之傳經說春秋者病其失之誣柳宗元非其風
語以為用文錦覆陷穽彼其寬猛之說其為誣而設陷穽也大矣左氏
不足道也吾觀西漢董生三策不能無恨三策之辭大抵粹然有臯夔
伊傅周召之風使人增敬加慕其首篇有王者宜求端於天任德不任
刑之說尤切時病至武帝再策之有所謂商人執五刑以督姦傷肌膚
以懲惡之說且繼以周秦之事為問嘗謂當時待詔者百有餘人至於
此語未必非仲舒任德不任刑之言有以激之也此其說蓋亦有所自
來而仲舒乃不之辨特推周家刑措之效以為繇於教化之漸仁義之
派非猥傷肌膚之效也殆若無以加荅而遷就其說者然若夫周措刑

之美秦用刑之非武帝固自言之矣彼之所問者特以商人執五刑以督姦傷肌膚以懲惡有異於周之措而秦之用此則武帝之所據以遂其任法之意者也此其說蓋出於戴記商人先罰後賞之言嗚呼盡信書不如無書戰國之君爭城以戰殺人盈城爭地以戰殺人盈野孟子必力辯血流漂杵之言以為非是武成周書也戰國周之世也書者又夫子所定去孟子未久也至其言有害理非實而足以病人君之心術亦必力辯而無嫌武帝之時經籍出於秦火灰燼之餘而記禮之書特傳於二戴之口其非聖人之全書明甚其所謂執五刑傷肌膚之說又背理非寔亦彰彰明甚仲舒胡不稽克寬克仁之言敦政優優之言後來其蘇后来其無罰之言以告之且申戴記先罰後賞之說明辯其非

是以法武帝之惑願乃遷就其說而不之辨亦異於吾孟子矣張湯之徒竟以任職稱意公卿之間往往繫獄具罪知見之法興繡衣之使出固密文峻而姦究愈不勝吾於仲舒之策不能無遺恨焉至再傳而為宣帝之襍霸又轉而為元帝之優柔皆此說之不明也嘗謂古先帝王未嘗廢刑刑亦誠不可廢於天下特其非君之心非政之本耳夫惟於用刑之際而見其寬仁之心此則古先帝王之所以為政者也堯舉舜舜一起而誅四象用孔子孔子一起而誅少王卯是二聖人者以至仁之心恭行天討致斯民無邪慝之害惡懲善勸咸得游泳乎洋溢之澤則夫大舜孔子寬仁之心吾於四裔兩觀之間而見之矣然則君人者豈可以頃刻而無是心而所謂政者亦何適而不出於此也故曰

政之寬猛孰先論三

君不可以有二心。政不可以有二本。唐李吉甫嘗言於憲宗曰：刑賞國之二柄，不可偏廢。今恩惠洽矣，而刑威未振，中外懈怠，願加嚴以振之。當時帝顧問李絳，絳雖能以尚德不尚刑之說折之，然終未能盡愜於理。蓋亦曰：吉甫為宰相，若中外誠有傲逆淫縱，敗常亂俗，麗於法而不可逭者，蓋亦明論其罪，告主上以行天討乎？何乃泛言刑威不振，勸人主以加嚴，此豈大舜明刑之心，而皋陶所以告舜之意乎？如此則不墮於偏廢之說，而吉甫之失自著矣。噫，吉甫斯言，可謂失其本心者矣。其後於頤，勸帝峻刑，帝乃告諸朝而推論其意。吉甫退而抑首不言矣。竟日，則吉甫亦可謂知恥者矣。後之欲以險刻苛猛之說，復其君者，尚鑒於此哉。善哉，德興之所以告其君者乎！蓋亦有合乎吾孟子告君之機，惜乎其無以終之也。人君之所以進於先王之政者，蓋始於仁心之一興。爾然而事物之至，利害之交，此心常危而易蔽。况夫水溺火烈之說，載於左氏，嚴理寬亂之論，著於崔實，而世莫之非。一旦而君有寬猛孰先之問，安知其不有所蔽而然乎？德興首告以太宗觀明堂圖，以罷鞭背之罪，此與孟子以見牛之說告齊宣王，何異？真足以興其仁心矣。直乎憲宗，然之無疑，其後不惑於吉甫於頤之說，而能顧問李絳，推論於朝者，未必非德興斯言力也。雖然，有仁心仁聞，而民不被其澤者，不行先王之政也。仁心之興，固未足以言政。孟子之興其仁心者，固將告之以先王之政也。若德興則不復進於是矣。此吾所以惜其無以終之也。嗚呼！是說之難久矣。自堯以是而哀鯀，寡之辭，舜以是而稱皋陶之休。

禹以是拜伯益之言湯以是優代虐之政文王以是明丕顯之德武王以是釋箕子之囚至於穆王猶能以是而作呂侯之命三代降斯道其不行矣孟子沒斯道其不明矣夫自漢儒之純如仲舒猶不能使人無恨則吾於德輿乎奚責

正論非子家所及 葛端綱

○常勝之道曰柔論

陸九淵

人情之所甚欲常出於其所甚不欲處天下之勝而舉天下常無以勝之者此固人情之所甚欲也若乃暴之而有勝人之形張之而有勝人之勢。兢兢然與物為敵而未始少屈者此則快於常人之情而以為可以致勝焉者也然而天下之取敗者常出於此而幸勝者不萬一焉。至於窺之而無勝人之形抗之而無勝人之勢退然自守初若無以加乎人者此則常情之所甚不欲而以為無足以致勝焉者也然而勇者於此喪其力智者於此喪其謀舉天下之所謂若可以勝人者皆於此而喪其強則夫常勝之道蓋無越於此者然則其所甚不欲者乃所以致其所甚欲者而人我未之知也常勝之道曰柔列禦寇之所以言也切

嘗論之。禦寇是說。固不可以苟譽。亦不可以苟贊。何者。論勝之勢。而不及理。則勝有不出於柔語。柔之體。而不及用。則柔有不可以致勝。悉楚甲以奔鄒之陳。則鄒之將必俘楚之庭。掃齊境以臨薛之城。則薛之君必惟齊之命。是勝未始出乎柔也。然周以岐山之邑。而興王業。越以會稽之棲。而成伯圖。蜀漢足以熒項。昆陽足以死莽。是勝未始出乎柔也。蓋不出乎柔者。勢也。出乎柔者。理也。理可常也。而勢不可常也。是勢果不足論。而勝果出於柔也。蒙鳩之巢。不足以當嵩衡之遺。石枯楊之稊。不足以試鎔錐之餘鋒。是柔未始可以致勝也。然天下之至柔者。莫若水。而攻堅強者。莫之能先。洞庭彭蠡之潞。是汪然者。非犀兕之堅。金石之邪也。有賤丈夫。烏奮劍而裂之力。則疲而水則不可裂也。投石而破之。石則墜。而水則不可破也。則是柔未始不可以致勝也。蓋不可以致勝者。其體也。可以致勝者。其用也。體者。徒柔也。而用者。不徒柔也。是體果不足論。而柔果可以致勝也。論勝之勢。而不及勝之理。語柔之體。而不及柔之用。然而贊之者。是不明而苟於徇人也。然而譽之者。是愚而果於自任也。譽之之弊。往往恃其有勝之勢。而不知其無勝之理。六國并而秦以破。南北混而隋以亡。此恃勝之勢。而不知勢之不可常也。贊之之弊。往往徒以其有柔之體。而不知其無柔之用。元帝以優柔而徵漢。德宗以姑息而弱唐。此有柔之體。而不知徒柔之無用也。尺蠖之屈。以求伸也。龍蛇之蟄。以存身也。猛虎伏於溪谷。而其威愈不可玩。翠虬蟠於深淵。而其靈愈不可狎。使勝之勢。而若此。則烏有不可常也。

哉○是○其○勢○固○出○乎○柔○而○非○向○之○所○謂○勢○者○也○泊○然○而○無○勝○人○之○形○寐○然
而○無○震○人○之○聲○誘○之○不○可○得○而○喜○激○之○不○可○得○而○怒○使○柔○之○體○而○若○此
則○亦○何○往○而○不○勝○哉○是○其○體○固○有○所○用○而○非○向○之○所○謂○徒○柔○也○嗚○呼○天
下○之○言○勝○者○每○快○於○秦○之○并○吞○隋○之○混○一○而○言○柔○者○又○多○溺○於○漢○之○優
柔○唐○之○姑○息○則○吾○又○安○得○夫○知○柔○之○說○者○而○與○之○論○常○勝○之○道○哉○雖○然
登○華○嶽○則○衆○山○不○能○不○迤○邐○浮○滄○海○則○江○漢○不○能○不○汙○沱○明○聖○人○之○道
則○禦○寇○之○學○我○不○能○立○其○門○墻○蓋○正○己○之○學○初○無○心○於○求○勝○大○中○之○道
初○不○偏○於○剛○柔○沉○潛○剛○克○高○明○柔○克○德○之○中○也○強○弗○友○剛○克○熒○友○柔○克
時○之○中○也○時○乎○剛○而○剛○非○剛○也○中○也○時○乎○柔○而○柔○非○柔○也○中○也○其○為○道
內○外○合○體○用○備○與○天○地○相○似○與○神○明○為○一○又○安○有○求○勝○之○心○於○其○間

哉○屈○伸○視○乎○時○勝○否○惟○其○德○湯○嘗○事○葛○矣○而○仇○餉○之○師○竟○舉○文○王○嘗○事
昆○夷○矣○而○柞○械○之○道○終○允○非○求○勝○也○時○也○虞○干○舞○而○苗○格○周○壘○用○而○崇
降○非○用○柔○也○德○也○且○南○方○之○強○在○於○寬○柔○以○教○而○申○棖○之○愆○則○不○可○謂
之○剛○蓋○剛○之○中○有○至○柔○之○德○而○柔○之○中○有○至○剛○之○用○安○得○以○一○偏○而○名
之○哉○彼○靡○靡○而○言○柔○行○行○而○言○勝○固○無○識○馬○耳○矣○顧○為○禦○寇○之○說○者○於
此○非○羞○汗○反○走○則○亦○將○舍○所○學○而○問○聖○道○之○津○矣○故○明○聖○人○之○道○則○禦
寇○之○學○我○不○能○立○於○門○牆○雖○然○禦○寇○之○學○得○之○於○老○氏○者○也○老○氏○駕○善
勝○之○說○於○不○爭○而○禦○寇○托○常○勝○之○道○於○柔○其○致○一○也○是○雖○聖○學○之○異○端
君○子○所○不○取○然○其○為○學○固○有○見○乎○無○死○之○說○而○其○為○術○又○有○得○於○翁○張
取○予○之○妙○殆○未○可○以○淺○見○窺○也○其○道○之○流○於○說○者○為○蘇○張○之○縱○橫○流○於

法者為申韓之刑名、流於兵者為孫吳之攻戰、高祖得於張良而創漢業、曹叅得於蓋公而守漢法、逮光武有見乎苞桑之說、遂以興漢而理天下、今苞苴竿牘之智、弊精神乎塞淺者、其於蘇張申韓之倫、無能為役、而欲肆其胸臆、以妄議老氏樂冠之學、多見其不知量也、故曰不可以苟譽、亦不可以苟贊、

兼理勢體用而言、便覺腐語一洗、葛端調

問制科解試

陸九淵

對制科不可以有法、制科而有法、吾不知制科之所取者何人也、以蠅蚋之餌、垂海而真吞舟之魚、唐賈至猶以為諸科之病、今制科者、天子所自詔以待非常之才也、孰謂非常之才而可以區區之法制束而取之乎、然是科始於漢、盛於唐、至於我宋、其為法益密、而其得人之盛、視漢唐有優焉、何哉、愚嘗論之、漢病於經、唐病於文、長才異能之士、類多淪溺於訓詁聲律之間、故漢唐之制舉、不可以罪法、我宋之盛、莫盛於仁宗、蓋其承三朝涵養天下之久、和氣浹洽、人才衆多、學術雅正、經不病漢文、不病唐而天聖復科之詔、又其圖治之心、銳而求才之意、切天下之士、雷動雲合、欲振聲於天子之庭者、心洋洋而冠峩峩也、是公一

舉而得富鄭公再舉而得張文定其餘如何張蘇錢之流亦往往可稱
數號為得人之盛然未幾而范文正公且言曰朝廷命試之際或將訪
以不急之務襍以非聖之書欲伺其所未知誤其所熟習適足以誤多
士之心非勸學育材之意也嘉祐之末蘇文忠公制策之對且曰陛下
所為親策賢良之士者以應故事而已豈以臣言為真足有感於陛下
耶愚以為仁宗英特之主好賢之誠蓋不浚於堯舜三王而乃使當時
大臣有誤多士之論制科之人有應故事之說者是蓋其法之罪也故
天聖之法不可以不變恭惟主上臨御以來十年三詔銳意方聞之彥
凡記誦傳註之僻識知侍從之艱咸汎掃而新之則夫范文正所謂誤
多士者蓋革之矣乃秋九月寔試賢良之士執事大人下教諸生以試

之之時有可變而通之之理謂今歲列郡不雨者非一則成湯之自責
宣王之憂民甯莊子之知天意滅文仲之知人事其所先所宜可用可
為者宜有得於大廷之對誠如是則蘇之忠所謂應故事者又革之矣
雖然慶曆六年監察御史唐詢嘗請如漢故事俟有災異然後舉之親
榮當世要務罷試秘閣六篇然政吳育執以為不可愚嘗交識其齷齪
庸陋蓋詢之意非知待賢之體而能勉君以盡其禮顧患應科者之衆
而欲設術以抑其進為育者正當誅其意而取其說從而廣之若曰思
未治則舉之思遺逸則舉之有缺政則舉之有災異則舉之有大謀議
則舉之惟人君之所欲舉欲問毋拘以法毋限以時則是科之設庶乎
其有補而是科之名庶乎其無愧矣不知出此而猥曰法不可變嗚呼

待賢良而有若待胥吏徒隸者存焉。是尚為不可變乎。齷齪庸陋之臣，不知待賢者之禮。適以蕪累明君之政。如是哉。故曰天聖制科之法，不可不變。若夫漢唐之時，則未始有定法也。所謂舉之以五者，惟晁錯為然。當時特詔有司諸侯王及三公九卿主郡吏舉賢良，而舉晁錯者適有五人耳。若乃公孫洪董仲舒谷永杜欽之流，而推之選之舉之，皆不必其五也。故彼之以五者，非有定法。而我之以二則法之一定者也。問之以三者，惟董仲舒為然。當時固以對策者條貫靡竟，統紀未終，辭不別白，旨不分明。故至於再至於三耳。若乃晁錯谷永杜欽，皆止於一篇。而公孫洪止於復問，初不必其三也。故彼之以三者，初非定法。而我之以二者，則法之一定者也。至於應者之多寡，尤不可槩論。漢之應者以百數，而唐永昌之初，對策者至千餘。當時張柬之為第一，此狄仁傑之所謂宰相材而成誅二張之功者也。固不可謂其應者之多，而所得之非才也。故曰漢唐之制科，不可以罪法。若夫比方之事，非承學之任，故愚不復為執事道謹對。

策對晁惠華飾於實用無取。如此明盡質樸，正為今日可尚。葛端調

陸九淵

策權鼎患華翰於實用無用也。如用盡實對五益今日。而
愚不妄為。薛車並。難博。
非本也。如口與。其。之。備。博。不可。以。罪。六。夫。山。古。之。車。非。不。學。之。封。出。
而。臨。率。財。林。而。知。精。二。聚。之。內。并。山。固。不。可。階。其。善。甘。之。之。之。而。對。之。
不。而。或。本。昌。之。所。博。策。非。至。下。也。當。計。利。害。之。為。策。一。也。如。此。也。

問賑濟 解讀

陸九淵

對賑濟之策前人之迹可求也。然無得乎其本而惟末之求則其策有
時而窮。文潞公之在成都也。米價騰貴。因就諸城門相近院凡十八處
減價而糶。仍不限其數。張榜通衢。翼日米價遂減。此蓋劉晏之遺意。然
公廩無儲。私困且竭。則其策窮矣。趙清獻之守越。米價踊貴。傍州皆榜
衢路禁增米價。清獻獨榜衢路。令有米者任增價糶之。於是諸路米商
輻輳。詣越。米價更賤。民無餓莩。此蓋盧坦之舊策。然商路不通。鄰境無
粟。則其策窮矣。舍是二策。獨可取之富民。而富民之困廩盈虛。穀粟有
無。不得而知。就令知之。而閉糶如初。又誠如明問所慮。以公家之勢。發
民之私藏。以濟賑食。不為無義。顧其間尚多他利害。故愚請舍其末而

陸象山文集

問賑濟一

論其本可也。漢倪寬以租不辨居殿當去官，百姓思之。大家牛車，小家負擔，乃更居最。夫寬於科歛之方略亦疎矣，而能旦暮之間以殿為最，則愛民之心孚乎其下故也。誠使今之縣令有倪寬愛民之心，感動乎其下，則富民之粟出而過，臣散給之策可得而施矣。方略之未至，利害之未悉，皆可次第而講求。若監司郡守不能以是心為明主，謹擇縣令，或憚於有所按發，而務為因循，舍貧則吾未如之何也已矣。

質甚。葛端調。

問德仁功利

陸九淵

對仲尼屢嘆管仲之功，而遊於其門者，五尺童子羞稱焉。曾西有所不為，孟子有所不顧。威公繇營轉戰而入齊，管仲釋囚拘而相之，其學焉而後臣之也。孟子至與成湯伊尹同稱，然觀其始志，不過欲立功名於天下，以自尊榮其身而已。豈有匹夫匹婦有不與被堯舜之澤者，若已推而納之溝中之心哉。召陵之役，反未及國，而陳轅濽塗之執，驕恣之迹已形。其視成湯之慙德為如何。嗚呼！此功利德仁之所從分歟。唐太宗與裴寂劉文静謀動高祖時，其志無異於威公。而其事及其有天下之後，致正觀之治，而論者以為庶幾三代之王。吾嘗以其聽魏徵之言而見之。宇文士及稱南衙群臣面折庭爭，陛下不得舉手，蓋當時輔

拂鯁挺之臣不獨微而已。顧獨微之言為尤詳且切。取微之言而讀之。蓋有富翁貴仕之所不能堪者。而太宗富有天下。貴為天下。功業皆其所自致。而能俯首抑意。聽拂逆之辭。於疇昔所惡之臣。嗚呼。此其所以致正觀之治。庶幾於三代之王者乎。恭惟主上盛德至仁。其學蓋出於五帝三王。而俯取唐太宗德仁功利之問。與魏徵之所以對者。發於奎書。形於詔旨。詢及侍臣。一何其德之盛。仁之熟。勉勉亶亶。而無有窮已也。實天下萬世之幸。執事大人。仰取而俯用之。策諸生於旅試之場。甚大惠也。設功利德仁之疑於魏徵之辭。愚既以齊威管仲之事。決之於前矣。至於帝王之德之仁。豈但如匹夫見於修身齊家而已之說。愚竊以為不然。夫所謂修身齊家者。非夫饒小廉。矜小行。以自託於鄉黨者。

然也。穎子視聽言動之間。曾子容貌辭氣。穎色之際。而五帝三王。皋夔稷契。伊呂周召之功。勲德業在焉。故大學言明明德於天下者。取必於格物。致知正心誠意之間。愚不敏。姑誦所聞。執事大人幸恕其狂斐。今日場屋中。如得此種。便可決是第一沃。葛端調。

陸九淵
問料敵
解試
對曹操能註兵法而不能論於其子趙括能讀父書而不見許於其父
兵家之變又豈可以言傳而迹窺也哉李靖佐李孝恭平蕭銑靖請乘
水傳壘以為必擒及叩夷陵銑已惶駭而其敗軍之將適屯清溪靖乃以
為不可擊孝恭擊之果以敗還賊委舟散掠靖視其亂擊而破之孝恭
繼進銑遂以降夫圖銑一事也始而曰必擒中而曰不可擊終而擊其
說三變而無一不酬知此則韓安國淮南王之說可得而判矣李德裕
之在劍南也追咎韋皋招徠羣蠻之策以為召寇之端撫納蕃將恣坦
維州之降以為制敵之要夫劍南一方也羣蠻之來恣坦之至大略相
類一以為召寇一以為制敵而君子兩是其說審乎此則耿國柳渾之

問料敵 解試

陸九淵

對曹操能註兵法而不能論於其子趙括能讀父書而不見許於其父
兵家之變又豈可以言傳而迹窺也哉李靖佐李孝恭平蕭銑靖請乘
水傳壘以為必擒及叩夷陵銑已惶駭而其敗軍之將適屯清溪靖乃以
為不可擊孝恭擊之果以敗還賊委舟散掠靖視其亂擊而破之孝恭
繼進銑遂以降夫圖銑一事也始而曰必擒中而曰不可擊終而擊其
說三變而無一不酬知此則韓安國淮南王之說可得而判矣李德裕
之在劍南也追咎韋皋招徠羣蠻之策以為召寇之端撫納蕃將恣坦
維州之降以為制敵之要夫劍南一方也羣蠻之來恣坦之至大略相
類一以為召寇一以為制敵而君子兩是其說審乎此則耿國柳渾之

說可得而知矣。故孫武以兵為書，而曰兵家之勝不可先傳，霍去病以兵為事，而曰何至學古兵法。誠以兵家之變在於機緘，識略之相符非可以言傳而迹窺也。然則高祖之前，料子房之決勝，夫豈偶然而已哉。嘗觀石勒素不知書，聽讀漢書，至食其立六國事，搏手警曰：此法當失，何以得天下。及至張良借箸之說，則曰：賴有此人耳。以是知高祖輟飯吐哺之時，豈無見乎其事之機，而惟良之為信者。後世書生以陳迹臆見，斷天下之成敗者，豈不貽笑矣哉。若夫宣帝之使單於慕義，郭子儀之使回紇下拜，此其誠之所感，則又進乎兵矣。

正得其大略之難。葛端調

問漢文武之治

陸九淵

對嘗讀洪範，至於沉潛剴克，高明柔克之辭，未嘗不反覆深攷而敬思之。以為古先帝王之所以未嘗不學而求警戒磨勵之心，未嘗不切也。執事教諸生以漢文帝武帝之事，愚獨以學而斷二君之失。夫文帝之為君，固寬仁之君也。然其質不能不偏於柔，故其承高惠之後，天下無事，不知上古聖人弦弧剡矢，重門擊柝之義。安於嫁胡之恥，不能飭邊備，講武練兵以戒不虞，而囚奴大舉入邊者數四，甚至候騎達於雍甘泉，僅嚴細柳，灞上棘門之屯，雖拊髀求將，御鞍講武，而志終不遂。使其有學以輔之，而知高明之義，必不至於此矣。武帝之為君，固英明之君也。然其質不能不偏於剛，故其承文帝富庶之後，貫朽粟腐，憤然欲犁

匈奴之庭以刷前世之恥然不知舞干格苗因壘降崇之事不止衛青霍去病之師而窮貳師之兵至於海內虛耗戶口減半雖下輪臺哀痛之詔亦無及矣飄風不終朝驟雨不終日執事謂始作者有以基之信其然乎使其有學以輔之而知沉潛之義不至於此矣嗚呼富庶之效雖遠於虛耗之報而拊髀之歎有不如輪臺之哀堯舜三王之心吾於漢武帝末年之詔而知之此吾所以重惜其無學以輔之也若聖天子求治之至而治道未盡舉此則執事大人之任愚未敢僭先生解試雅無求售意故諸策簡質任意若略不經思者此等處可見前輩年少時志堅養到真不可及 葛端調

自試策對

問古者言之不出恥躬之不逮也故君子欲行之浮於言不欲言之浮於行傳說告高宗以遜志詩人稱文王小心翼翼記美后稷祿及子孫歸之於其辭恭其欲儉大言侈志固君子之所不取夫子講道洙泗之間而遊於其間者五尺童子羞稱五伯豈其五尺童子與管仲勇犯華度長紮大舉能無所愧耶蜀諸葛孔明距今且千載更閱曠智多矣莫敢少嘗而當時不過自比管樂孔門之童子豈皆度越孔明者乎不然何其言之大而志之侈也禮不苟嘗學不瀆等夫子之教必不其然苟以稱五伯之說為非是則孟子亦曰仲尼之徒無道桓文之事者或問魯西與管仲孰賢則曰爾何曾比子於是然則

羞稱之說信矣。孟子言必稱堯舜。且曰能言距楊墨者聖人之徒也。楊墨亦當世所推使當時後生小子不自揆度靡然而非之。豈遜志小心辭恭欲儉不苟嘗不穢等之道乎。諸君以孔孟為師者也。願有所析其疑。問辭亦妙。

陸九淵

對東明之升。群陰畢伏。咸池既作。窪鄭不可復陳矣。康衢之謠。擊壤之歌。後世高文大冊不能無。忝中林之夫。漢上之女。後世碩儒宗工不能無愧。豈其智有所不足而力有所不逮哉。道之不明不行。所以用其智。智者病矣。談中華之壯麗。則夷裔之君長。不如王朝之下士。論滄海之汪洋。則雍梁之秀民。不知勃瀕之庸夫。理固然也。道之行與不行。明與不明。相去遠矣。傳說之遜志。將以時敏。厥修文王之小心。所以昭事

上帝。其辭恭其欲儉。后稷之德。控是乎在矣。必不苟嘗而後可與言此。必不穢等而後可以進此。羞稱五伯。能言距楊墨。然後可以免於為嘗穢等之過。而進乎遜志小心辭恭欲儉之地矣。

簡捷中具見超邁之緊。葛端調

好學近乎知

陸九淵

聖人之言有若不待辯而明自後世言之則有不可不辯者夫所謂智
 者是其識之甚明而無所不知者也夫其識之甚明而無所不知者不
 可以多得也然識之不明豈無可以致明之道乎有所不知豈無可以
 致知之道乎學也者所以致明致知之道也向也不明吾從而學之
 學之不已豈有不明者哉向也不知吾從而學之學之不已豈有不知
 者哉學果可以致明而致知則好學者可不謂之近智乎是所謂不待
 辯而明者也然大道之不明斯人之陷溺古之所謂學者後世莫之或
 知矣今自童子受一卷之書亦可謂之學雖學農圃技巧之業亦不可
 不謂之學人各隨其所欲能者而學之俗各隨其所漸誘者而學之均

之為學也。雖其學之也。有好。有不好。其好之也。有為。有不為。而當其為。好之也。均之為好學也。今學農圃。技巧之業者。姑不論。而如童子受書。如射御。書數。專為一執者。亦姑不論。又如詭怪妖妄之人。學為欺世誣人之事者。亦姑不論。而世蓋有人焉。氣庸質腐。溺於鄙陋之俗。習於庸悞之說。膠於卑淺零亂之見。而乃勉勉而學。孜孜而問。茫茫而思。汲汲而行。聞見愈雜。智識愈迷。東轅則恐背於西南。轅則恐違於北。執一則懼為通者所笑。泛泛則懼為專者所非。進退無守。彷徨失據。是其好之愈篤。而自病愈深。若是而學。若是而好者。果可謂之近於智乎。此所謂自後世言之。則有不可不辯焉者也。

理明詞爽。只一意引去。自得大原。

曹端語

母友不如己者

陸九淵

人之技能有優劣。德器有大小。不必齊也。至於趨向之大端。則不可以有二。同此則是異。此則非。向背之間。善惡之分。君子小人之別。於是決矣。友者所以相與切磋琢磨。以進乎善。而為君子之歸者也。其所向苟不如是。惡可與之為友哉。此母友不如己者之意。其矣。趨向之不可不謹。而友之不可不擇也。耳目之所接。念慮之所及。雖萬變不窮。然觀其經營要其歸宿。則舉係於其初之所向。布乎四體。形乎動靜。宣之於言。語見之於施。為醞釀陶冶。涵浸長養。日益日進而不自知者。蓋其所向一定。而勢有所必然耳。彼其趨向之差。而吾與之友。則其朝夕遊處之間。聲薰氣滌。波蕩風靡者。豈不大可畏哉。子張氏有於人。何所不容。如

陸象山文集
之何其拒人之說殆未知夫主忠信毋友不如己者之義也
兮別邪正方是聖人教人入手工夫讀此覺晦菴註稍漫然矣
調
端

君子喻於義
非其所志而責其習不可也非其所習而責其喻不可也義也者人之
所固有也果人之所固有則夫人而喻焉有也然而喻之者少則是必
有以奪之而所志所習之不在乎此也詭利於吾身詭利於吾家自權
色貨利至於名位祿秩苟有可致者莫不營營而圖之汲汲而取之夫
如是求其喻於義得乎君子則不然彼常人之所志一毫不入於其心
念慮之所存講切之所及唯其義而已夫如是則亦安得而不喻乎此
哉然則君子之所以喻於義者亦其所志所習之在是焉而已耳
制科試經義不過欲既明如此耳江河之習庶或因茲而一返乎
端調

陸九淵
君子喻於義
非其所志而責其習不可也非其所習而責其喻不可也義也者人之
所固有也果人之所固有則夫人而喻焉有也然而喻之者少則是必
有以奪之而所志所習之不在乎此也詭利於吾身詭利於吾家自權
色貨利至於名位祿秩苟有可致者莫不營營而圖之汲汲而取之夫
如是求其喻於義得乎君子則不然彼常人之所志一毫不入於其心
念慮之所存講切之所及唯其義而已夫如是則亦安得而不喻乎此
哉然則君子之所以喻於義者亦其所志所習之在是焉而已耳
制科試經義不過欲既明如此耳江河之習庶或因茲而一返乎
端調

里仁為美

陸九淵

自為之不若與人為之與必知之。不若與衆為之此不易之理也。仁人
 心也。為仁繇已而繇人乎哉。我欲仁斯仁至矣。仁也者。固人之所自為
 者也。然吾之獨仁。不若與人焉。而共進乎仁。與一二人焉。而共進乎仁。
 孰若與衆人而共進乎仁。與衆人焉。共進乎仁。則其浸灌薰陶之厚。規
 切磨礪之益。吾知其與獨為之者大不侔矣。故一人之仁。不若一家之
 仁。一家之仁。不若鄰里之仁。鄰里之仁。不若里馬皆仁。
 之為美也。里仁為美。夫子之言。豈一人之言哉。
 見大而與本題語意自合。葛端調

[Faint bleed-through text from the reverse side of the page]

保民而王

民生不能無群。群不能無爭。爭則亂。亂則生不可以保。王者之作。蓋天生聰明。使之統理人羣。息其爭。治其亂。而以保其生者也。夫爭亂以戕其生。豈人情之所欲哉。彼其情驅勢激。而至於此。未有不思所以易之者也。當此之時。有能以息爭治亂之道。極斯民於水火之中。豈有不翕然而歸往之者。保民而王。信乎其莫之能禦也。
葛端調

陸九淵

[Faint bleed-through text from the reverse side of the page]

保民而王

意自是康亦不謂不思之哉射不中林是矣

然西翻卦之卷第月西王計平其莫之精樂也

其主處入計之而必知其計則勝也至於如未育不思所以是

主師即刻之然聖人舉息其舉其廣而以治其主也夫聖人

為主不精無報報不精無中中傾廣傾是不可以制王也非蓋天

制為西王

制為西王

學問求放心

陸九淵

舉天下從事於其間而莫知其說理無是也而至於有是是豈可以

論其故哉學問也者是舉天下之所從事於其間者也然於其所以

問者而觀之則汗襟茫昧駁乎無以議為也古者學問之道於是而

莫知其說者矣仁人心也心之在人是人之所以為人而與禽獸草木

異焉者也可放而不求哉古人之求放心不啻如饑之於食渴之於飲

焦之待救溺之待援固其宜也學問之道蓋於是乎在下愚之人忽視

玩聽不為動心而所謂學問者乃轉為浮文綠飾之具甚至於假之

以快其遂私縱欲之心扇之以熾其傷善敗類之端豈不甚可歎哉學

問之道無他求其放心而已矣孟子斯言誰為聽之不藝者

能平心讀此種文者。方與之言立志。曾端明

○ ○ 養心莫善於寡欲

陸九淵

將以保吾心之良。必有以去吾心之害。何者。吾心之良。吾所固有也。其所固有而不能以自保者。以其有以害之也。有以害之而不知所以去其害。則良心何自而存哉。故欲良心之存者。莫若去吾心之害。吾心之害。既去。則心有不容存而自存者矣。夫所以害吾心者。何也。欲也。欲之多。則心之存者必寡。欲之寡。則心之存者必多。故君子不患夫心之不存。而患夫欲之不寡。欲去則心自存矣。然則所以保吾心之良者。豈不在於去吾心之害乎。

明淨如拭。皜乎無纖微之繫。 曾端明

養心莫善於寡欲一

○○○取二三策而已矣

陸九淵

昔人之書不可不信亦不可以必信。顧於理如何耳。蓋書可得而偽為也。理不可得而偽為也。使書之所言者理耶。吾固可以理揆之。使書之所言者事耶。則事未始無其理也。觀昔人之書而斷於理。則真偽將為。豈哉。苟不明於理而惟書之信。幸而取其真者。也。如其偽而取之。則其弊將有不可勝者矣。孟子曰。吾於武成取二三策而已矣。非明於理者。孰能與於此。嘗謂言而無稽。往哲以為不足聽。事不師古。昔賢以為非所聞。堯舜之聖。書以稽古稱之。夫子之聖。自謂好古敏而求之。古訓是式。詩所以稱仲山甫之賢。必則古昔稱先王禮。所以為學者之軌範也。然則昔之聖賢。蓋未嘗有不取於書者也。欲求稽古昔以為師法訓。

式而非書之取將孰取之哉。然而古者之書不能皆醇也。而疵者有之。不能皆然也。而否者有之。真偽之相錯。是非之相仍。使不通乎理。而緊取之。則安在其為取於書也。昔之聖賢。豈其然乎。自義皇以來。至於夫子。蓋所謂有道之世。雖中更衰亂。而聖明代興。而周家又號為典章之備。而職守之詳。且嚴者。當時載籍之傳。宜其無所謂疵者。否者。偽者非者。然而夫子之于書也。於易則有八索之黜。于職方則有九丘之除。書必定詩必刪。言夏商之禮。則以為杞宋不足記。武之樂未久也。而聲淫及商。至于老聃之問。萇弘之問。郊子之訪。無非所以攷覈其醇。疵真偽是非。可否。而一斷之以理者也。然則書之不可一槩而取也。久矣。雖然。夫子天下後世固宜取信焉者也。孟子之時。去夫子為未遠。而經籍皆

出於夫子之筆削。則雖槩而取之。可也。而於武成一篇。所取者。纔二三榮而已。無亦好高求異之過耶。嗚呼。非也。夫子所以取信於後世者。豈徒爾哉。抑以其理之所在。而其一以貫者。建諸天地。而不悖。質諸鬼神。而無疑。百世以俟。聖人而不惑而已。使書不合於理。而徒以其經夫子之手。而遂信之。則亦安在其取信於夫子也。况夫孟子雖曰去聖人之世未遠。而亦百有餘歲矣。言爵祿之班。則曰諸侯惡其害已也。而皆去其籍。論堯舜之事。則曰齊東野人之語。而非君子之言。然則於武成之篇。不惟其書之信。而一斷之以理。又何疑焉。故曰書不可以不信。亦不可以必信。使書而皆合於理。雖非聖人之經。盡取之。可也。况夫聖人之經。又安得而不信哉。如皆不合於理。則雖二三策之寡。亦不可得而

取之也。又可必信之乎。蓋非不信之也。理之所在。不得而必信之也。古人之於書。稽求師式。至於為聖為賢。而後世乃有疲精神。勞思慮。皓首窮年。以求通經學古。而內無益於身。外無益於人。敗事之謂。空言坐談之識。皆歸之者。庸非不通於理。而惟書之信。其取之者。不精而致然耶。今夫藥石之諸。不能皆和平也。而悍毒者有之。不能皆真良也。而偽毒者有之。彼良醫之遊於其間也。審病者之脈理。知藥石之性味。擇之精而用之適。其宜是以百發而百中。至非能醫者。而以其病而遊焉。槩取而試之。苟其不中。得無遇毒以益病。而戕其身也哉。不明乎理。而惟書之信。取之不當。以至於悖理違道者。得無類是乎。故曰。盡信書。不如無書。

惟理之信。即致知格物之盡。然一人之心。何足以窮天下之是非。明師良友。不可旦夕已耳。恐非徒讀書者所識。葛端調

續書何始於漢

陸九淵

安於所習而絕意於古固君子之所患也以其所知而妄意於古尤君
 子之所大患也君臣上下之大分善惡義利之大較固天下不易之理
 非有隱與而難知者也然而世衰道喪利欲之途一開而莫之或止角
 奔競逐相師成風如大防之一潰漶漫衍溢有不可復收之勢當是時
 所謂大分大較非隱與而難知者往顛倒錯亂廢墜湮沒而莫之或
 顧此後世之公患也人性之靈豈得不知其非然志銷氣腐無豪傑特
 立之操波流之所蕩激終淪胥而不能以自振尚何望其能軒輕於人
 哉然則安於所習而絕意於古者誠亦人之所深患也有人於此被服
 儒雅師尊聖賢知大分大較之不可易隱然思以易當世志不得而據

其所有著之簡編以自附於古人此何啻夫國之似人虛空之足音有
識者之所宜深嘉屢嘆稱揚頌羨之不能自己者也而曰君子之所大
患者何耶理之所當然而時不然有能去彼取此自拔於流俗自一言
一行以往莫不有益莫不可貴然其高下淺深大小多少雖毫釐之間
不可以相喻越乘人之不然而張其殊於人者以自比於古之聖賢
其粗迹偶其大形而侈其說以欺世而盜名則又有大不然者矣彼
出於識量之卑聞見之陋而世衰道微自為翹楚莫有豪傑之士剖其
蒙開其蔽而遂至於此非固中懷譎詐而昭然有欺世盜名之心而為
之也然其不知涯分僣蹇僭越自以為是人皆悅之而不可與入堯舜
之道者蓋與賊德之鄉原所蔽不同而同歸於害正矣欺世盜名之弊

夫又焉得而避之請書何始於洪吾以為不有以治王通之罪則王道
終不可得而明矣

極言深論上下千萬年間能出一頭地此當不為時代所後者葛端

卷之二

讀書何始於漢二

百廿

語錄論荆公

陸九淵

讀介甫書見其凡事歸之法度。此是介甫敗壞天下處。堯舜一代雖有法度。亦何嘗專恃此。又未知戶馬青苗等法。果合堯舜二代否。當時闢介甫者無一人。就介甫法度中言其失。但云喜人同己。祖宗之法不可變。夫堯之法舜常變之。舜之法禹常變之。祖宗法自有當變者。使其可變。果善何嫌於同。古者道德一風俗同。至當歸一。精義無二。同古者道所以為美。惜乎無以此關之。但云祖宗法不可變。介甫才高。如何便伏惟韓魏公論青苗法云。將欲利民。反以害民。甚切當。或言介甫不當言利。夫周官一書理財者居半。冢宰制國用理財正辭。古人何嘗不理會利。但恐三司等事。非古人所謂利耳。不論此而以言利過之。彼豈無辭。

以○率○至○於○無○奈○他○何○
 慶○或○問○介○甫○比○商○鞅○何○如○
 先○生○云○商○鞅○是○脚○踏○
 不○曾○踏○得○實○處○故○所○成○就○者○王○不○成○伯○不○就○本○原○皆○因○不○能○格○物○模○索○
 晉○地○他○亦○不○問○王○霸○只○要○事○成○却○是○先○定○規○模○介○甫○慕○堯○舜○三○代○之○名○
 形○似○便○以○為○堯○舜○三○代○如○此○而○已○所○以○學○者○先○要○窮○理○
 精○當○著○端○調○

